

黃山志定本

黃山志定本卷六

吳山僧弘濟益然閔定

原姓汪名沐日字扶光

新安閔麟嗣賓連纂次

同學程守非二

吳綺蘭次

吳聖修塲公

江銘勲尚一

趙吉士天羽

汪士鉉扶晨

黃元治自先

汪楫舟次

江闔辰六

程謙山尊

吳苑楞香

吳之騄耳公參閱

賦詩志

傳曰不歌而頌者謂之賦登高能賦者大夫之選言感物造端才志通達可以圖事爲大夫也若排比聲律遠

愧雅宗名如徐凝宋人致誚均無足錄焉登是集者其取材也質其摘辭也真紀賦詩第七

唐以前無詩

李白

送溫處士歸黃山白鷺峰舊居

黃山四千仞三十二蓮峰丹崖夾石柱菡萏金芙蓉伊
昔升絕頂俯窺天目松僊人鍊玉處羽化畱遺蹤亦聞
溫伯雪獨往今相逢采秀辭五嶽攀巒歷萬重歸休白
鵝嶺渴飲丹砂井鳳飲我時來雲車爾當整去去陵陽

東行行芳桂叢
過溪十六渡
碧嶂盡晴空
他日還相訪
乘橋躡彩虹

至陵陽登天柱
酬韓侍御見招隱
黃山賦此詩
荅韓衆騎白鹿西往
華山中玉女千餘人
相隨在雲空
見我傳秘訣
精神與天通
何意到陵陽
遊日送飛鴻
天子昔避翟
與君亦乘驄
擁兵五陵下
長策馭頡頏
戎時秦解繡
衣脫身若飛蓬
鸞鳳翻羽翼
啄粟坐樊籠
海鶴一笑之
思歸向遼東
黃山過石柱
巖崿上積叢
因巢翠玉樹
忽見浮丘公
又引王子喬
吹笙舞松風
朗誦紫霞篇
請

開藥珠宮步岡繞碧落倚樹招青童何日可攜手遺形
入無窮

贈黃山胡公暉求白鵬有序

聞黃山胡公有雙白鵬蓋是家雞所伏自小馴狎了
無驚猜以其名呼之皆就掌以食然此鳥耿介尤難
畜余生平酷好竟莫能致而胡公誠請於我惟求一
詩聞之欣然適會夙意援筆三四字不加點以贈

請以雙白壁買君雙白鵬白鵬白如雪白雪耻容顏照
影玉潭裏刷毛琪樹間夜棲寒月靜朝步落花閒我願

黃山志卷之六 三
得此鳥翫之坐碧山胡公能輒贈籠寄野人還

夜泊黃山聞殷十四吳吟

昨夜誰爲吳會吟風生萬壑振空林龍驚不敢水中臥
猿嘯時聞巖下音我宿黃山碧溪月聽之却能松間琴
朝來果是滄洲逸載酒提籃飯霜栗半酣更發滄海聲
客愁頓向杯中失

吳 輩

白雲溪

山逕入脩篁溪林蔽日光夏雲生嶂遠瀑水引溪長秀

勝逢皆勝清芬坐轉涼遙看玉尊夕歸路賞前忘

買一島

紀湯泉

維泉肇何代開鑿同一儀五行分水火厥用誰一之在
卦得既濟備象坎與離下有風輪煽上有雷車馳霞掀
祝融井日爛扶桑池氣殊碧石厲脉有靈砂滋驪山豈
不好玉環汚流脂至今華清樹空遺後人悲遐哉哲人
逝此水真吾師一濯三沐髮六鑿還希夷伐毛返骨髓
髮白令人驚十年走塵土負我汗漫期再來池上遊觸

熱三伏時古寺僧寂寞但餘壁上詩不見題詩人令我
長嘆咨

一韋 綬

郡治樓望黃山

郡齋北望春光好平楚無雲秋望寬清氣爽時塵外見
碧烟飛處靜中看爭高千仞山皆讓並秀三峰色也寒
莫怪寓名同嶽號暫闕瞻眺近長安

汪晉穀云唐有兩韋綬一德宗朝翰林學士一穆宗
朝吏部尚書以石門巖志辨之當是德宗朝者

于德晦

歙郡有黃山樓北瞰黃山山勢中拆若巨門狀因

題一絕

懸峰翠色自天流直下青冥豁素秋閒倚朱闌頻北望
只宜名作巨門樓

程弘志云按一統志刺史有從兄秦官學道號于方
外刺史爲築室於問政山山始名問政

任宇

新安郡北百餘里卽黃山西北有峰高山頗類大

華因目爲小華山前郡守之志題詠至多偶登

斯樓因成一絕

雪晴雨霽潼關道僊掌分明幾度逢可料新安郡樓上
黃山溪處見三峰

李敬方

湯池

敬方以頭風癢悶大中五年十二月因小愴假內再
往黃山浴湯題四百字

楚鎮維黃岫靈泉蓄聖源煎熬何處所鑪炭孰司存沙
暖泉長沸霜籠水更溫不疏還自決雖撓未嘗渾地啓
巖爲洞天開石作盆常畱今日色不減古年痕陰醖潛

生海陽光暗燭坤定應鄰火宅非獨過焦源龍訝經冬
潤鶯疑滿谷喧善烹寒食茗能變早春園及物功何大
隨流道益尊潔齋齊佛主痊病奪醫門外秘千峰秀有
通百漈奔禪家休問疾騷客罷招魂臥理縣川守分憂
漢主恩慘傷因有暇徒御戒無喧癢悶頭風切爬搔臂
力煩披榛通白道束馬置朱旛謝履緣危磴戎裝透遠
邨慢遊登竹徑高步入山根巖巘存行竈蓬茆過小軒
禦寒增帳幕忘味止盤餐鏡面裝奩啓桃花錦浪翻鳥
容皆翡翠羣影盡瑱璠不與華池語寧將浴室論洗心

過頃刻浸髮迨朝暾汗洽聊箕踞支廡暫虎蹲濯纓閒
更入漱齒渴仍吞氣煥勝重親風和敵一搏適來還贈
蹠復出又攀援形穢欣除垢神歡喜破昏明夷徵立象
既濟感文言已闕眠沙鹿仍妨臥石猿香驅蒸霧起煙
並溼雲屯破險更祠宇憑高易廟垣舊基纔久足新構
忽行鵠勝地非無棟征途遠改轅貪程歸路遠拙政訟
庭繁興往畱年月詩成遺子孫已鐫東壁石名姓寄無
垠

題小華山

目黃山爲小華

峰簇蓮花小分明似華山魚符何日罷溪處掩松關

釋島雲

白龍潭

中有白龍盤儵見說難風雲隨步起雨雹出山寒島
道懸青壁天河瀉碧湍軒皇曾向此金鼎煉還丹

蓮黃山懷古

浮丘與軒后鶴馭杳難思三十六峰頂不知何處奇枯
杉龍腦益陰洞石膏垂莫問當時事蒼苔鎖斷碑

登天都峰

盤空千萬仞險若上丹梯迥入天都裏回看鳥道低他
山青點點遠水白淒淒欲下前峰巖巖間宿錦雞

馬跡石

堪信曾鸞駕尋僊道已成因過盤石上如印玉沙行苦
逐方圓匝泉隨淡淡生臨迴山色暮拂拂翠雲平

望黃山諸峰

峰峰寒冽簇芙蓉靜想嵩陽秀不如峭拔雖傳三十六
參差何啻一千餘浮丘處處畱丹竈黃帝層層隱玉書
終待登臨最高頂便隨鸞鶴五雲車

湯泉

暖泛朱砂石壁幽軒皇曾浴上丹丘陰陽相煮連珠浦
今古長煎瀉鏡流紫氣曉籠煙色滌錦霞明照火光浮
何妨爲洗身輕後便跨飛龍到十洲

朱砂石

寒巖萬丈陟崔嵬只恐朱砂勢便頽採藥客聞雷辭去
臥雲僧見鳥銜來丹霞迴照空片紅日斜分突兀堆
僅得神僊惠纖粟便能望翠臺

石人峰

雙峰何代列巍巍忽化仙人世所稀絕頂長年相對坐
九天何日却同歸風生九柏喧天樂山隱雲霞挂道衣
終願捫蘿一相訪共君齊跨鳳鸞飛

僊僧洞

先朝曾有日東僧向此乘龍忽上昇石徑已迷紅樹密
蘿龕猶在紫雲凝鉢盂峰下畱丹竈錫杖泉邊隱聖燈
從此舊庵遺跡畔月樓霜殿一層層

僊橋

千丈側懸飛鳥外雙峰橫架碧天心月中纔有僊人過

山下應聞笙磬音丹竈路穿瑤草濕朱砂泉迸錦霞深
軒轅去後雖然在爭奈凡流無處尋

杜荀鶴

湯泉

聞有靈湯獨去尋一瓶一鉢一兼金不愁亂世兵相害
却喜寒山路入深野老祭壇鴉噪廟獵人衝雪鹿驚林
幻身若是逢僧者水洗皮膚語洗心

程 傑

芙蓉峰

誰把芙蓉雲外栽亭亭秀麗四時開
清宵皓月峰頭挂

宛似佳人對鏡臺

宋

王挺之

至道初元六月不雨爲民冒暑乞靈龍湫投辭未
竟雲氣已作雷雨繼之

欲呼雲雨沃焦田裊裊盤輿入翠煙
黃帝真成道漢文皇帝設學僊
一潭澄碧快龍眠浮丘黃帝真成道漢文皇帝設學僊
但願甘霖慰枯槁豈知衰朽得神憐

題黃山

疊嶂障南國攢峰頂半空朝昏長見日
雲霧預知風樹

魯宗道

有序

物之拔立羣萃者必主乎衆焉新安千餘里無平地
山阜連屬悉非傑出之狀獨此山凝嵐積靄邈然雲
際宜乎養靈孕粹雄鎮一方故歲旱民饑郡刺史修
舉祀典躬事禱謁厥報如影響宋景德四年上巳日

軍事判官魯宗道主簿閣宗烈因公事信宿於靈泉
院歲登民飽不敢黷神以爲祈請因誌所懷於僧壁
復以五十六字係之於石

黃山勝地煙霞明朱砂泉暖肌膚醒鳥聲不斷山不壞
今人古人徒營營誓來誰更辭磽确抖擻塵纓聊潄濯
靈泉去病功績茂無人復矧爲高閣

洗藥源

採得千年藥臨流淨洗藏至今源裏水猶帶舊時香

登黃山

三十六峰凝翠靄數千餘仞鎖嵐煙軒皇去後無消息
白鹿青牛何處眠

蓮花源

花開十丈照峰頭露褪紅衣爛不收太乙真人多逸興
穩眠一葉泛中流

吳黠

因公檄按游黃山

倏忽雲煙化杳冥峰巒隨處入丹青地連藥鼎湯泉沸
山帶龍鬚草樹腥半壁絳霞幽洞遠一川寒電古湫靈

霓旌去後無消息猶有僊韶動俗聽

凌唐佐

黃山湯泉

一道出遙岑潺湲古到今雪天聲瀉玉月夜影搖金歲
旱施功大民疴被澤深浮丘與軒帝僊跡可追尋

鍊丹竈

鍊丹峰畔隱軒皇石臼空存歲月長林下宛然含淨色
風前依舊發餘香雖畱此地千般藥難問當時九轉方
獨向谿頭重拂拭五雲何處日茫茫

洗藥溪

紅泉聲裏獨徘徊
帝子當年洗藥來
怪底餘香至今在
四時芝朮有花開

鄧宗度

黃山雜咏

按圖經諸詩皆十四歲作

劉阮辭世塵桃花誰復主
無計殢東風一夜零紅雨

花

峰原非人力建造
化琢磨成一枕遊僊夢
蟾波白晝生

石牀峰雲水最饒處
輪蹄無到時
夜蟾生佛面
春雪印僧

斜祥符寺暮雲無意鎖
春草豈能關
何事棲霞客
從茲去

不還峰

石門

綺段堆青壁點綴秋顏色幾使曉來風縱橫

裁不得

丹霞峰

石壁碎寒流行人暮已愁更傾風月耳無

水不生秋

滴水巖

卻隱他山霧來眠此洞雲區區麋鹿輩

戰栗敢子羣

蒼豹

吳弘鈺

石門峰

橫石架廣門天風自來去夜半聞洞簫知是神遊處

石應孫

遊黃山

山川形勝雄江東九華輝映天都峰傳聞蚤已盪胸臆
恨不插翼長相從揭來隨牒官秋浦城郭奔馳厭塵土
挈家捧檄過臨城偷閒兩作煙霞主黃山登覽原無由
何期易地太平遊清池軒豁日舒麗突兀樓觀撐溪幽
憑高徒倚敞心目絕壁半天橫碧玉廻溪千里指顧間
螺髻分明三十六壯懷高向紫霄懸俯視培塿真一拳
古今秀色餐不盡筆端收拾生雲煙萍蹤儻未逐流水
古剎相望二三里暇時風月得交游鷗鷺同眠勿驚起

百花洞

我試問陽和洞間誰是主盡日立東風百花無一語

桃花洞

桃花五色四時開片片香隨礪水來況是軒轅曾手植
紫煙淡處有樓臺

水簾洞

珠簾費巧水晶裁萬古垂垂濺碧苔幾度月鈎鈎不上
孤雲難入此中來

焦靜山

湯泉

黃山志卷之六
十四
淳淳靈水養靈珠
鑿定波生注玉壺
洗盡塵勞多少客
不知還解洗心無

汪兼山

黃山遇雨

誰能鍊得蜩皇石
我亦叫開閭闔門
早起蒙天微一笑
依然雲氣薄崑崙

碑翻薦福雷轟碎
舟近蓬萊風勒回
山意有餘還不盡
青鞵畱待後遊來

乾坤老我頭先白
山水無情眼自青
三十六峰藏不得

小窻趺坐看圖經

汪起莘

黃山歌

黃山高哉巋然爲江東之巨鎮兮壁立於兩湖之上游
摩天戛日以直上陽枝陰派盤數州四海不知兩根本
行人但見雲飛浮嘗試芒鞋竹杖造乎其間兮一溪桃
杏紅爛熳萬壑松栢寒飈颭懸崖絕磴可望不可到兮
古木倒挂險更逾上有靈泉千萬道如銀河爭瀉而競
注兮砢雷濺雪隱見穿林幽中有青鸞黃鶴千萬對雄

倡雌和迭舞而交鳴兮溪林自適復有數點白雪之猿
猱山中自昔無曆日花開葉落成春秋殘英脫穎不知
其所從來今但見夫澗谷之間桃花如笠松花如繖竹
葉如扇蓮葉如舟菖蒲九節饒白鹿靈芝三秀駐青牛
人間三月春已暮洞中花卉春長留奇香異氣逐風去
散落塵世誰能酬黃山高哉雲際一峰尚可畫雲外一
峰畫不得霜綰鋪了掉首休丹砂一峰燭天爭日月九
龍一枝拔地張旂旒天都一峰傑出於三十六峰今星
斗森羅挂珠殿日月對展搖瓊樓中有一人兮龍冠而

鳳裘左容成兮右浮丘我時收卻釣竿樵具作一束投
諸曹阮溪中流浴余身兮湯泉風余袂兮帶所搜鼓隱
隱兮管啾啾水晶盤兮白玉甌帝酌我兮勞我左右爲
余兮疑昨指余以南峰石壁記授余以紅鉛黑汞大丹
頭黃山高哉予將攬秀巢雲鍊其下坐令萬物不生疵
癘黍盈時

王十朋

送羅生少陸歸黃山

羅生黃山來從我梅溪遊齒髮最少年學問能自修短

榮照淡夜細字書蠅頭大業心欲潛遺編力旁搜新文
有佳趣日進殊未休吾媿河汾翁子學常與收行將拭
老眼萬里看驂驪一葉下亭臯大火當西流遙望河陽
雲俄登李膺舟交朋重惜別挽袖終不畱吾腸百鍊剛
亦作蘭絲抽藉也不吾叛尋盟定高秋

程楠

花山寺

雨過羣峰翠欲飛白雲松徑鳥聲微山僧閒臥鳴鐘起
共話無生醉月歸

趙日巖

游黃山畱題

半空嵐翠滴樓臺物象冥搜入翦裁雲散峭峰殊華嶽
僊畱靈跡勝天台丹砂水暖巖前湧紫木花香洞口開
爲問神僊住何處寄詩還許到蓬萊

王 綬

游黃山畱題

地靈山秀景清虛健羨游人興有餘黃葉盡時分疊嶂
白雲淡處見精廬去同靈運低前展回與浮丘攬右裾

自歎塵勞羈絆甚林泉高趣若相疎

朱彥

遊黃山

三十六峰高插天瑤臺瓊宇貯神僊
嵩陽若與黃山並猶欠靈砂一道泉

柳月欄

花山寺看黃山

翠色沈沈萬樹春幽懷宜共竹爲鄰
黃山只在闌干外谿閣雲深認不真

借得雲房半榻眠三生夙結靜中緣
茶鑪設著松枝火趺坐蒲團聽夜禪

陳炳

翠微寺

麻衣休作獅子吼門外泉聲正拍空
三十六峰渾不見翠微真在有無中

葉秀發

題龍吟寺

曉色明征轡疎鐘忽斷林
譚經驚虎伏說法引龍吟竹

影殘鐙暗苔痕落葉淡客懷無處適欹枕聽霜砧

廣福寺

細問黃山事荒唐半不傳諸峰幾林壑十日九雲煙笙
斷空中籟丹甍澗底泉相招媿猿鶴何日謝塵緣

登古城山觀

飛觀干霄出疎松隔隄聞木聲高下澗山色去來雲露
鳥行秋杪天花落葉分小窓吟不就清殺病休文

黃山喜晴卽事

一春鳩婦不停鳴遠岫雲歸喜得晴木拍秧田釵股細

風吹麥隴浪紋輕天應憐我倦行役山亦多情互送迎
三十六峰如好客相逢便覺眼增明

興國寺

雖無酒令與詩籌喜約新盟訪舊遊寒露正催黃菊晚
斷雲不鎖碧山秋機於空處臨方下節到寒時蝶也愁
聚散搏沙多少恨一詩三嘆寄湯休

翠微寺

茫茫宇宙幾分離晚識真人曆數歸工部都無半抔土
清風千古一麻衣

趙汝育

大龍吟寺壁間韻

解鞍遊古寺夕照滿疎林雨過山如畫風生竹解吟龍
眠秋水靜豹隱暮雲淡喚醒遊倦夢數聲何處砧

浮丘壇

臨陽僊窟宅遺跡在巖屏丹就泉如舊壇空人已非碧
峰千古在黃鶴幾時歸乞我刀圭重從君隱翠微

鄭震

曉看黃山

奇峰三十六僊子結青囊日際雲頭樹人間天上山九
州人共仰千載鶴來還遙見樵蘇者披雲度石關

聶致堯

祥符寺

諸峰回合處古木抱松林月占秋廊靜雲侵畫殿陰有
泉通石眼不火沸池心洗淨多生垢天風更梵音

陳山泉

謁麻衣祠

雨晴泥路滑杖履豈徒勞雙檜塔前老一登天外高錫

黃山志定本 卷六

異言

三

泉通殿砌巖瀑起波濤欲問蒼天意風林作怒號

焦本心

游黃山畱題

自有乾坤不記年山中紫翠向依然百千萬世畱今日
三十六峰橫暮烟怪石矐松名嶽上神僊天子一人傳
桃花流水丹爐畔欲往從游洗俗緣

方月澗

遊黃山畱題

笑擬愚公恨力綿無窮眼力到危巔天黏青嶂蒸嵐霧

范湧丹砂費酒泉高下瀑聲多是雨去來雲氣半晴陰
僊家日月長閒在纔得心閒也是僊

金蓉綠水插層層嵐氣浮浮直上蒸丹竈幾千年向火
泉崖五六月猶冰鹿銜煙艸陪僊友鶴睡雲松伴定僧
失笑紅塵奔走者見山佳處幾人曾

張冠卿

遊黃山畱題

路盡清谿逼畫圖亂雲淡處插天都
靈鷲虎豹文姿出
松隱龍蛇怪狀孤吐焰香砂
翠嶺雲精舍礙靈鳥

我來爲訪客成侶試問丹丘果有無

荀完

重興寺

門前春挂一壺山脩竹喬松不可攀落盡桃花無覓處
應隨流水到人間

石待問

遊黃山

軒皇曾把浮丘袂駐蹕茲山遂得名迤邐乍登隨步勝
巍峩一上覺身輕煙雲日變百千態猿鶴時聞三兩聲

截斷杳冥秋勢隔數州各自見陰晴

謝鳳

遊黃山

歷覽岩堯接斗牛巖排雲樹翠陰稠風生藥臼清香遠
日照丹巖紫氣浮僊樂有聲聞晝夜靈泉無火沸春秋
猶多奇絕應難到聊寫新詩紀勝遊

釋巖隱

遊黃山

芒屨踏徧翠微中拭目羣峰勢插空石罅迸泉珠跳白

山花落澗錦浮紅一天星澹猿啼曉萬壑雲生虎嘯風
藥曰丹爐經世遠軒皇曾此駕飛虹

程元鳳

虎頭巖

共赴雲龍會爾何獨負嵎嵎逢驚履尾熟視稍摩鬚野
老與相狎行人畏不趨敢煩猿臂手射此老於菟

同山窓遊黃山

解鞍小憩索胡牀五載重來兩鬢霜庭下幽花迷蛺蝶
屋頭喬木弄笙簧棣華喜遂團樂樂柳絮從教上下狂

明月浮丘訪僊伯徑迷芳艸馬蹄香

程元岳

遊黃山次韻

設宿林間夜對牀鐘魚衍度幾星霜月高花影頻開畫
風動松聲日鼓簧人事懸知春日好禪心不作少年狂
重來爲稱裴公約萬綠陰中醅酒香

觀黃山僊人藥臼

藥臼空遺千載名丹成人向九天行我來欲覓刀圭劑
只聽寒泉佩玉聲

僊碁石

傳聞碁石在中峰曾有樵夫得一達自後世人無處覓
雲溪花洞幾重重

文天佑

黃山聽琴

歲晏抱琴入室處
梢拙燒殘聽風雨
有客五絃彈太古
掃空恩怨不兒女
汗樽杯飲擊土鼓
如與羲軒相對語
又如重華坐舜臯
萬物長養無苦處
聞君澹然太古音
感君悠悠太古心
古心古音誰能識
應向松濤處處尋

別黃山

黃山別去恨綿綿
華表重尋第幾顛
馬跡苔肥連碧漢
龍潭水暖漲靈泉
斷無花逐桃溪外
別有春畱藥圃邊
鵝鴝一聲人亦老
鬢絲驚笑玉顏僊

焦翠峰

石人峰

頂有石若老道士

石爲肌骨應成假
鐵作肝腸未必真
當日容成丹就處
何當點化作僊人

焦煥炎

黃山志定本

卷六

賦詩

七

題黃山送別圖

我家黃山隅不識黃山面不自到黃山見圖如不見如
何黃山客又別黃山去落日晚煙昏黃山在何處黃山
有湯泉可以洗滌塵世緣黃山有瑤草可以餌之長不
老黃山有神丹得之可以超塵寰胡爲別卻黃山去祇
把生綃寫空翠

焦炳炎

遊黃山

秀出雲霄一杖探諸峰高下護晴嵐丹成兔臼香生杵

影見龍津月在潭洞暖有花因七七雲淡無語住三三
粥魚敲動山林與合傍浮丘去結庵

鄭晦

浮丘祠

青天志欲騎長虹半生雙眼四海空題詩遠寄廣成子
筆力萬仞搖崆峒前年鶴背乘天風翻然回首江之東
束書歸隱黃山中山中偶遇浮丘翁人生寰宇總過客
呼酒澆愁醉李白十畝耕雲種紫芝酣詞擊石嫌春窄
招浮丘乾坤到處堪遨遊丈夫有志身徇國逢時無意

千封侯皇天恩澤盈遐陬忍恥吳楚森戈矛黃金白壁
豈足尚我愛文章有官樣長篇欲向庵壁題憑陵豪氣
三千丈住庵道人請書壁禿毫轟雷停不得飛香灑雪
淋漓濕一夜寒風瘦鼓泣

徐師

登樓望黃山

黃山樓上望黃山水石雲霞未得攀三十六峰應笑我
紛紛塵事幾時閒

杜叔元

黃山作

占勝新安境佳名千古聞
奇峰半天出秀色數州分
遠谷春猶雪懸巖霽亦雲
何時脫輶轡猿鶴此爲羣

聶宗卿

遊黃山

陟岡尋勝蹟小徑遠詭岑
高隱重雲幕閒遊亂石林
因潛滌患木如臥辟寒金
松老青姿怪巖空紫氣淡
幾宵驚客夢半夜有猿吟
我本神僊裔徘徊稱道心

劉漑

遊黃山

地迴羣峰異蒼崖半倚天
重岫外虎嘯白雲邊帝
馬畱遺蹟星壇隱舊僊瀑泉長曳練池水暖生煙古洞
排虛險高巖列碧鮮靈峰遙可望異境到無緣曉霧開
還翳晴嵐斷復連樵訶時響亮谷鳥日翩翩獸露孤峰
側松欹怪石前結茆淡有意脫屣是何年

一陳巨川

浮丘廟

浮丘羽化幾經年千仞青溪有洞天丹竈石牀依舊在

雲溪何處問神僊

汪致達

黃山採藥歌

黃山青兮剝施三十六峰兮森起草芸芸兮金吐華石
泥泥兮玉成髓若有人兮薜荔衣推芳潤兮凌險巖朝
擷英兮巖竇夕攬秀兮溪澗招澤止兮爲侶豈劉阮兮
自迷瘴膏盲兮下土陪軒轅兮與鯨

汪炎皋

遊黃山

神僊隱處今始過煙霞城郭路幾何野渡誰浮夕陽艇
空山尚響樵人歌石壇荒涼疊苔蘚谷鳥啁啾溪松蘿
何妨更值買酒至一笑使我朱顏酡

木末窮蟬鳴不休客子正倦還登樓斷虹截盡芳草雨
孤鴻點破南林秋樓頭笳聲撼落葉渡口霞影搖輕舟
浮生擾擾事無限搔首坐看斜陽收

謝 翺

送張士達遊黃山歌

黃山三十六點雲中秘幽奇世人未見猶未聞混沌乍

開始自大唐國易默爲黃而附軒轅鍊丹盟僊羣天都
蓮花突兀直入青霄上諸峰吐煙噴雪如波之蕩漾不
天石是蛟龍飛舞變幻而莫測下有海深萬丈空洞氣
盈雲吼浪更有僊燈諸洞九龍諸潭僊橋月塔諸勝蹟
君今策杖曠展走險一一當遍歷須令向禽宗炳之輩
嘆羨而莫及

釋怡庵

黃山

千巖競沒翠雲梯萬壑爭流烏亂啼月塔正圓如月印

天都直上與天齊
山椒夜起金銀氣
谷口朝看霧縠迷
借問古今嘉趣者
苔花餘刺幾箇題

亡名氏

發黃山

天公知我爲山來
盡收雲氣翠作堆
天公知我出山去
千里曉霧漫不開
好山固自不世俗
詩人言歸非所欲
三十六峰削寒玉
恨不題詩滿山谷

軒轅峰

軒皇石室亂雲深
萬壑千巖何處尋
倦客獨居春醲酒

樵夫曾聽夜彈琴紅泉溜乳澄丹鼎紫朮飛花蓋藥爐
空使遊人迷舊路朱砂溪洞遠香林

黃山雜詠

卓立巉巖鸞鳳形蹠蹠舞翠炫花文冲霄千載飛騰處
猶剩峰頭一片雲

青鸞峰

架空睥睨三千界疊起稜層十二樓明月上來遮不得
翠光浮動萬山秋

疊障峰

洞裏乾坤世莫知時聞嘯鶴帶雲歸幾回洞口乘風立
欲挾飛僊上翠微

翠微峰

削石成巒氣勢雄巋然一柱插晴空莫言材大難爲用
曾有擎天鎮地功

石柱峰

補遺

陳天麟

登上嶺遊黃山

朝陽混潑水朦朧曉煙橫抹天微風三十六峰不著色
點綴澹墨排秋空小山連延大山倨林深無人但雲樹
平生愛山真成癖我以意行本無住黃山之路何敢危
黃山之谿何連漪登山度水亦勞止正要行役發吾詩
傳家與世不相遠徑入桃源亦良便鄉來父老亦嘗行
竹籜桃花大如扇

遊黃山

風掃煙嵐一萬重平生佳處始相逢未驂軒后浮丘駕
已見天都石柱峰聞苑欲傳青鳥信壺天安用白雲封
朝真我亦通僊籍况復年來訪赤松

元

曹涇

湯泉

山與紅塵遠人疑碧落遊振衣新浴罷徹底自風流

唐 元

黥山絕妙翫不忍去

輿夫老苦鈍足腫肩亦賴堅坐我不忍起走便且輕後
乘幸勿亟前有黥山迎平生所未識目駭而心驚委蛇
出異態婉婉含淡情長虬挂碧落巨怪浮溟瀛冠冕或

巖立甲冑何縱橫未吟先恍恍欲畫難經營邑連壤最
沃俗美人不爭意有隱君子依阻仍淺耕遺世了榮辱
避俗變姓名尋之不可見晤言誰與傾

次韻程以文黃山星橋末章屬仲安

今日題橋者燕山耐朔風寄書逢驛使詢路介樵翁
酒添泉白林曛麗屋紅浮丘不可見笙鶴度崆峒

悠悠俯雲影浩浩吹天風解珮此溪女負苓何處翁
焙出茶芽紫又來魚眼紅山家慣延客何必美崆峒

程文

題黃山洪舜民詩卷

洪生生長黃山下日日見山如見畫笑拈秃筆點蒼茫
老樹孤烟入平野人言洪生匪師授妙趣神機天所假
前生羊祜有識環不是詩人須畫者衆中爭傳一二紙
已覺黃金未當價如何作吏廢此事破帽紅塵面如赭
古來意欲不求似誤點成蠅亦堪咤炎中梅蘂雪中蕉
牝牡驪黃定非馬我家山房最幽絕脩竹當門花覆瓦
果能弄筆起清風十幅驚鴻待君寫

程仲清

遊松谷庵望黃山

庵前少立望峰頭
洞府雲深隱玉樓
欲挾飛僊游汗漫
偶逢樵叟話綢繆
巖泉晴噴中天雨
松谷涼生六月秋
雨補清風歸路晚
此身何異在瀛州

吳元生

登黃山

行行採瑤花
峭壁何斬絕
赤霞亂不收
大化元氣泄
下有萬年松
上有太古雪
祇恐月明中
鐵筵吹石裂

嚴士貞

山樂鳥

百鳥喧呖正倦聽忽然聞此獨關情聲隨魚板常三奏
節合簫韶應九成窓外曉飛僧夢斷巖前時見客心清
禪林得汝添奇玩故向祇園久著名

曹通

黃山

黃山高聳與天齊逸客遨遊見品題僊去巖頭丹竈冷
鶴歸洞口白雲迷斷崖芝草疑無路流水桃花別有谿
回首數峰凝望處提壺擺過石梁西

孟 淳

憶黃山舊遊

憶解羸驂上伏牛
芙蓉六六舊曾遊
天分海色諸邨曉
風撼泉聲萬壑秋
人化鶴來城已改
犬隨僊去鼎空留
何時定擬山中住
共食松花到白頭

劉宗敏

詠黃山

神僊臺閣干霄漢
秀出奇峰歷巨鰲
雲母屏開圖畫古
水晶簾挂洞門高
桃林春老飛紅雪
松谷風生響翠濤

跨鶴僊人歸去晚露華涼沁五雲袍

趙怡堂

徧祥符寺

古寺分禪相青燈一倦翁猿聲來靜夜禽樂響寒空梅
弄寒前月松聲磬底風蕭然清不寐霜曉出山中

汪澤民

遊翠微寺

欲雨不雨天黑色將崩未崩石偃側溪谷綠雲已萬盤
風雨欺人作三厄客遊已怪天不怪雷電翕歔噓晴暇

諸峰倒景互明滅照耀金碧開山門清都紫微逼象緯
梅林貝樹羅山磬十方下視沙界迴佛骨不受炎歊燔
麻衣老師寂滅久問法誰與山僧論但餘卓錫古泉水
念念欲洗塵眼昏嗟予世網久躑躅坐覽古蹟空盤桓
暮歸卻覓山下路杳杳飛鳥投芳邨

宿祥符寺

屹立四千仞緣回八百盤藤蘿孤寺合苔蘚一碑殘風
急龍髯斷雲漢鶴睡寒茲山可招隱吾亦挂吾冠

再宿翠微寺

堂上麻衣座階前錫杖泉人依碧霄近寺與翠微連山
無塵地雲開宿雨天明常凌絕頂禪榻借高眠

祥符寺和文敬所韻

蒼山寒日近禺中揭淺綠淡足蘭重倦子未歸遼海鶴
軒皇曾馭鼎湖龍詩題古壁無人續夢斷釣天何處逢
欲問故侯應不識空遺蕭寺鎖雲峰

鄭玉

遊黃山

江左諸峰罕出羣誰云華嶽與平分幾千百澗流蒼玉

三十六峰生白雲幽谷高人抱真獨荒崖野草賸芳芬
幾回獨向風前立夜半吹簫天上聞

題祥符寺壁

十年不到此叢林問舊堂頭嘆陸沈石老不知蒼蘚變
山幽惟覺白雲深藏書有室還當禁伏鼠何時爲指尋
相欬喜多耆舊在爭攜杖履自登臨

胡元禮

黃山圖爲周叔明題

黃山秋來翠如刷瀛海雲霞互明滅山中猿鶴舊同盟

只好相畱莫相別嵯峨三十六峰秋碧葉蓮花千萬疊
軒轅向來鍊丹處湯井丹砂今尚結空濛僊樂下天都
二人靈禽齊赴節雲中僊人撫掌笑海水揚塵行可涉
茫茫浮世去何之浩浩炎雲結行轍丹崖翠壁那可望
寫人生綃苦愁絕玉女寒窓煙霧淡瑤草瑤枝誰共折
如何爲約鳳樓人來此飲簫弄明月

鮑 淡

黃山謠爲周叔明

君本芝山人來作黃山客黃山秀立雙翦刀爭翦芙蓉

出金壁雲霞縹緲下神僊丹砂玉井香流泉黃精瑤草
春嫣然紅雲紫霧開金蓮我家山下見林岫山色青青
當戶牖見說山中日月長玄鹿青牛眠白晝喜君三載
居山間相期汗漫驂飛鶴如何長揖山中別飄然凌風
不可攀君行便艤錢塘棹海天日出潮來蚤潮生潮落
不厭看故苑遺宮壯懷抱胡君爲賦黃山謠搜奇攬勝
炫生綃山中猿鶴應相招山前秋隼橫青霄

祥符寺避暑

森然古木覆苔陰四顧蒼山一徑深六月長廊不知暑

飛泉終日響潮音

祥符寺有懷師山先生

長廊滿壁墨淋漓好事經行盡賦詩因問鄭君讀書處
老僧猶解說當時

黃山虎頭巖

巨石砢砢類虎蹲野羊山犬半銷魂遊人不怕巖前路
直踞於菟進一尊

王儀

寄黃山性宗上人

嵯峨丹砂峰攢巒秀如簇陰崖吐靈泉峭壁灑飛瀑下
有軒轅祠渠渠隱林麓雲房更蕭疎蘭芷薦芬馥別來
近十年一見慰心曲詎知當亂餘共翦西窓燭策策山
雨鳴幽幽人獨宿明發賦歸來後會豈云卜

送子美入黃山讀書

三十六峰天下無雲彩摩刷煙花敷靈秀中蓄物產殊
青琳瑤碧紅珊瑚丹泉陰湧崖不枯一浴能已瘍疥膚
異人間見僊佛徒或傳笙鶴來天都所未見者當代儒
鄭子特立奇丈夫山英馳移風掃途文豹夾轂菟前驅

素乘載書從以奴入山期作三年劬出山致用裨唐虞
夫豈慕彼山澤癯嗟爾陋學守一隅決策用舍差智愚
謂已狡猶賢聖迂非子傑出牢鍵樞頽波徹底歸淪鋪
古人凜凜開前模匡廬長白道不孤明年尋子鞭瘦驢
荒蹊絕澗窮縈紆子長肩青我白髮點頭談道相攜扶
好事畫入黃山圖

方叔誠

黃山採藥圖爲汪山人賦

童中州序朱大同畫

汪翁黃山人酷愛黃山好結廬自昔依黃山慣向黃山

事幽討昨夜東風吹雨晴連峰曉張雲錦屏石林旭日
靜掩映茅屋疎煙淡杳冥開門見山動山癖急理平生
上山屐薜蘿衣裳烏角巾遠觸林巒蒼翠滴小橋細路
彎復碕抱琴童子長相隨松間或共木客語石上每與
僊人期擷芳掇秀滿筐得山鬼驚呼猿鶴戚寸長九節
菖蒲青斗大千年茯苓赤歸來月色澹庭戶細搗玄霜
聲杵杵傾觴對月樂未央富貴浮雲奚足數何人好事
寫作圖使我展翫增嗟呼投簪便欲歸華嶽獨向三峰
頂上居

釋此邨

遊黃山

大峰都欲上天去小峰輻輳如相畱浮雲卷風縐巾脉
飛泉挂壁銀河流三島升沈差可指九率縹緲爭回頭
汗漫周王八駿馬不來恐爲軒轅羞

明上

趙訪

分題送陳子山博士遊黃山

浮丘說詩罷丹成忽爲僊荒祠託靈谷瓦缶薦寒泉紛
紜秦漢間嘉遯良獨賢大雅久不聞支詞實真詮期君
發幽隱重以青瑤鐫

石浮丘祠

軒后初制作倥侗閔烝黎畫野定疆理無爲異標枝荒
山有遺碣髣髴有蛟螭述德豈倚相論書陋秦斯期君
刊往牒稽首陳貞辭

右軒轅碑

絕澗下溪黑寒泉瀉巖隈中有玉蜿蜒不知何年來隱
顯與道俱泊然息風雷石林絢金碧洞府皆樓臺善保
至陽德春霖徧九垓

右白龍潭

空巖蔭方池丹泉何氤氲炎火孰張設蒸熬泛春溫疏
淪得溪澗浮游灌靈根外達美陽休內融反胚渾翩然
披紫綺五色明朝暾

右朱砂泉

巖居觀物化掩卷獨無思空洞鑄重局閱此北壁遺朋
來二三子竊渺強吾詩商聲出金石草樹生涼颼過門
有佳客共賞零風辭

右弦歌洞

登黃山鍊丹峰尋昔人隱處

我遊黃山當嚴冬雪消日暖無天風欲求昔人栖隱處
發興况有高僧同危石側步目已眩絕壁下瞰心爲忡
交流二澗瀉寒碧樵牧不來蘿逕窮嗟異亂石大如屋
蹴踏豺虎登虬龍手披灌木出林杪仰從雲際窺奇峰
中高一柱揭南斗旁扶兩岫森寒松交樛萬本翠如織
宛宛內蓄何冲融僊靈窟宅景象異豈與下界同汚隆
名姓無傳年代遠只有藥臼畱遺蹤摩挲考擊三歎息
悵不並世來相從因憐李白升絕頂空吟薜蘿金芙蓉

幾年戎馬暗南國眼前厭見旌旗紅脫身長往夙有願
把茆不用煩人工曹阮浮丘應好在山南山北會相逢
丙申冬遊黃山

夢拈山林盡誅求鳥雀悲力微思引避勢迫遂相夷誤
返屠羊肆空憂漆室葵浮丘如可覓攜手訪安期

前題

束縑迎門月墮初全來有客共艱虞幾年避寇今無地
何處誅茅可結廬雪虐風饕樵客路山囚瀨紮野人居
一簞肯許同栖息寂寞殘生不願餘

避地黃山過浮谿有感

剪刀峰下浮谿路夾岸桃花帶雨開
古樹根柯盤鐵幹清流沙礫見瓊瑰
林空惟許閒雲宿地僻偏宜野客來
遠外旌旗猶滿目結茆無分又須回

九龍庵新樓

樓觀憑虛倚玉臺遠涵空翠絕浮埃
璿璣宵轉星辰近沆瀣朝盈戶牖開
雷劈蒼崖龍起立風翻碧海鶴飛回
倦家自信春光好應笑胡僧辨劫灰

鮑頰

浮溪道中

春風陪杖履百里過浮溪尚憶曾遊處來尋舊日題斷
崖芳草合幽樹老猿啼坐看山花落諸峰暮靄迷

書師山先生所題黃山崖石後

蒼崖百尺與雲齊殺士重來爲品題姓字一時通漢史
文章千載並浮溪春淡莫遺莓苔沒日暖應添紫翠迷
猶憶匡廬當日事短檠山雨五更雞

呂旭

黃山雪霽贈洪毅夫

金烏出海曉光動鈴華凍壓芙蓉重日射參差玉筍聯
風吹鼉鼓銀濤湧山中綠髮洪崖僊餐瓊嚙玉能長年
好探天都太古雪下療炎世沉痾痊

方勉

題黃山

杖藜得得入雲看中有幽篁下有蘭百道飛泉鳴玉珮
千尋石柱架瑤巒隔林幢影招青鳥出洞簫聲送綵鸞
地位清高人罕至好收風景入琴彈

程孟

登黃山

秀出層穹翠欲隤
棲霞宿霧似蓬萊
松搖陰壑生靈籟
泉噴溪潭吼怒雷
蜂頂煙銷丹竈冷
崖前風暖碧桃開
五雲深處羣僊集
白鶴青鸞定往來

僊都峰

閬風互闢知何許
珠樹瓊芝果有無
佇看點山北峰上
五雲深處有僊都

張達

萬山西爽軒望黃山

奇峰天外競噴虹向晚憑欄最好看秀出楚吳千里迥
翠摩星月九霄寒古潭雷迅蒼龍起僊洞雲淡白鶴還
何日扪蘿登絕頂擬從軒后覓金丹

程 珊

祥符寺雪後望山

四顧漫漫雪滿山披裘策杖出禪關雲淡時見人蹤絕
林暝惟從鶴徑通萬樹光連峰盡白六華飛點鬢先斑
眼空銀海三千界悵望僊居不可攀

程 信

遊黃山

遠上黃山日未曛香泉風遞隔林間
三三鼎內餘丹火六六峰頭護白雲
月印巉崖芳桂發煙迷蘭若紫榴焚
殷勤欲起浮丘問一訣僊凡曠息分

黟山溪處舊祥符天下雲林讓一區
千礪湧青圍佛寺諸峰環翠拱天都
烹茶時汲香泉水燃燭頻吹鍊藥爐
爲問老僧年幾許僊人相見可曾無

李東陽

詠黃山寄程太守式之

憶君舊是雲中守歸去黃山尚臥雲欲借剪刀峰下景
好裁一半與平分

程敏政

游黃山約二三知舊

三十六峰天下奇廿年空爾卜遊期丹梯欲上刪參處
石罅還尋鍊藥池詩刻定應誰賦好山靈莫笑我來遲
一尊約與君同去正及天空木落時

黃山觀湯泉白龍池小憩祥符寺

天教微雨淨纖埃重我登臨一度來山姓尚隨軒帝號

詩龕誰繼謫僊才雲扶經節中天起地拔青蓮四面開
鰲禁半生真浪跡不知鄉國是蓬萊

四山廻合駕飛橋似隔雲間萬里遙屈氣半天浮海市
龍雷平地起風潮雲中鶴叟春鉏藥月下青童夜弄簫
碌碌塵寰成底事卻將奇絕付漁樵

怪石如屯虎豹關僊家真與白雲閒九州圖跡誇誰勝
萬古乾坤只此山丹日半餘香冉冉禾泉分出水潺潺
手摩蒼蘚看題字先正高風不可攀

眼看奇絕口難名變態分明似化城巨木幾年經魏晉

手春無邊有時黃鶴鳴翩翩自吹玉笛桃花前月明相
約講重玄我來手持青芝篇龍沙之秘心相傳洞中一
笑三千年

黃山截業幾萬里亂峰如龍矗雲起晨昏日月轉山腰
三十六軸盤地底崑崙崑崙泐解氣勢來衡嶽匡廬遠相倚
長年冥濛飛煙霞白日雜還走麋鹿玉泉丹砂鍾靈根
芝草琅玕長不死中有高人事隱棲縛屋開門亂雲裏
崖木野藤時作花澗水泠泠石齒齒牀頭木瓢白石鎚
簷頭甕牖鳥皮几避世應同尸鄉翁著書還擬鵬冠子

我亦乾坤放逸人探奇名山興未已落日長訝招隱詩
採藥尋真從此始

唐 正

遊黃山

曉驂丹梯望翠巔高天同色鎖蒼煙根盤古歛雄江左
支析東吳近海堦五色瑞雲籠藥竈千秋陰火煮湯泉
古今題詠盈苔壁誰似當年李謫僊

劉元凱

夜月對黃山酌偶成

世逐紛華道人秉幽獨天遊寄黃山奇絕不可述
芙蓉開不凋石笋煮不熟上有雙白鵬下有丹泉浴明月
展碧空光映三十六入此酒杯中清輝潤詩骨

程一詩

天都峰詩貽社中諸友

黃山頓起山之巔不知其幾千萬仞兮根盤數州控千
里三十六峰攢簇如蓮花中有天都巔屹挺出雲霄裏
遊人望之輒奪氣安能勇曳丹丘履琪花瑤草自春秋
丹膏玉脂至今貯於此浮丘鶴馭不能遊容成星虹未

嘗接引躡其趾山靈久秘若有待人文孔昭殆天啓儲
精應時產豪英藝林亘古騰芳聲僕奴命騷走叱咤氣
勢浩蕩風雲征伊予丘壑風流者悔不十年蚤結社五
嶽尋真骨未倦數椽卜築山應假所強忽近務遠大探
奇足跡半天下竹林竹谿相後先賦詩縱酒非徒然境
因人勝我何有仁以友輔君俱賢事蘿扳葛便長往倒
凌絕景捫青天霞城淡鎖恣探討豈無累牘連新篇謳
歌聖代仗公輩莞爾一笑忘形年

九日登黃山

鳥捷鳬疑化冠欹鶻欲飛石梯叢桂擁丹洞片雲歸金
刹標三界青霞匝四圍招提開覺路蓮社願相依
丹霄懸萬仞碧玉削芙蓉地軸超羣囿天都見一峰白
光浮雨瀑青靄破雲松裊裊垂蘿裏振衣此日從

程大志

遊黃山

黃山起諸峰秀色浮今昔松挂巖上蒼雲留石邊白一
泓溫泉流千崖丹草摘有峰名天都去天僅數尺下俯
蛟龍潭飛雪作雨澤新懷僊人居超然塵世隔唯有猿

鶴親不見磨屐跡我從山僧遊閒花滿苔石幽壑恣探
奇高嶺覽窮僻顧我山水情今當憐所適朝來采黃精
暮宿倚絕壁景與性情融塵當靜默釋上界九天開異
香散空碧揮手謝世氛晴霄鶴一隻

一方懋

偕諸友酌朱砂池上

遙觀松鬱鬱近聽水潺潺縱步臨丹壑飛觴醉玉顏無
風雲出岫有鳥暮歸山莫惜斜陽墜相期戴月還

程汝望

登天都峰

兩腋乘風起孤飛入杳冥景皆逢絕勝人已覺忘形山
半雲褰幔林梢水建瓶中天一凝盼三十六峰青

汪 鉉

次程司馬襄毅公舊遊黃山韻

梵宮初酌已斜曛風引泉香席上聞渺渺輕烟千壑樹
霏霏微雨半山雲金聲錯落詩頻送寶篆氤氲僧自焚
壺矢謾投清興發一樽盡醉夜平分

千年寶剎號祥符僧子猶傳古鉢盂鳩杖相隨尋石室

肩輿直上到天都，俯觀塵世無多地。遠嘆神僊有舊壺，更見紛紛遺蹟在。相傳未必盡虛無。

登鍊丹臺

帝子乘雲遊帝鄉，丹峰空見樹蒼蒼。鼎湖望絕龍髯後，始信神僊亦渺茫。

潘旦

湯嶺遇雪

飄飄山上風吹衣，遠眺令人思欲飛。雪後還晴晴復雨，山僧采藥未曾歸。

潘照

黃山遇雪

踏雪黃山道聯吟客興餘青松生白髮枯樹吐奇花僧
寺爐無火巡司廟作家欲尋丹竈跡回首暮雲遮

汪玄錫

黃山歌

黃山之峰高插天重岡復嶺交其前天生奇絕欲闕惜
俗駕未許輕資緣軒轅黃帝昔治世萬幾暇豫思神僊
飛龍十丈自控御一日周流窮八埏大江東來接彭蠡

黃山志定本 卷六

五

朶朶芙蓉生紫煙帝曰此山天所畀旌旗恍惚棲其巔
容成浮丘二子輔乘鸞跨鶴差後先升成欲辭鼎湖去
玉杖劃出硃砂泉氤氲暖氣徹冬夏豈有石火相熬煎
我生髮燥思一到晚歲始無官守纏壬辰十月天氣肅
上下石棧巾車便溪南二老頗好事銀罍故壓奚奴肩
湯池淨洗塵垢脫肉色忽似桃花鮮千年一度丹砂出
圖經所載非虛傳人生百歲不可得升砂再出知何年
隴西太白本在客無端悵悵湯池邊我來太白千年後
舊寺荒涼惟數椽急趨新寺對山望獨憶風流高竹川

遊黃山有感

落落相逢好事難百年能見幾黃山來當天日晴明後
望盡煙霞縹緲間世故勞人空自老鬢毛因病已成斑
倦巖欲覓浮丘子爲我殷勤說大還

和程篁墩先生黃山韻

紫石峰隈老衲關尋幽誰解愛真閒鐘聲忽起雲遮寺
丹日初埋雪滿山千丈澄潭畱古色半空懸石磈飛瀑
靈源芝草今猶產直躡丹梯頂上攀

唐 皐

次潘桃溪遊黃山韻

我憶黃山久就遲一逕賒輪君寒命駕到日雪開花井
白畱軒跡池塘問謝家江南遺此境雲樹未應遮

胡松

遊黃山

黃山三十有六峰峰峰劍拔干蒼穹雨暘明晦倏幻化
煙霧霏霏態不同自昔傳聞異人至還丹九轉收成功
回崖盤磴千萬折登者恍惚青雲中老松長根石上走
遙望偃蹇如虬龍有時猿挂戲相學攀危陟險紛相從

泉石鑑毛髮暖氣無春冬天涵地負洩真秘浴之頓覺
心神融同行將軍王與張虎眉燕頤姿堂堂總知好事
攜家釀尊前禮數勤趨踰予本夙具山水癖况茲風月
堪徜徉林端只聽鳥聲碎盞內寧知酒興長嗟爾韶光
若流水蘭亭梓澤俱荒涼百年三萬六千日日日如此
云胡傷倚醉狂呼容成子憑高四望雲茫茫

鄭佐

登石柱峰

山中積雨喜朝晴萬仞峰頭采藥行絕壁不知難曳屐

祇看遶足白雲生

羅洪先

遊黃山題湯院壁

紫翠林中便赤脚白龍潭上看青山藥爐丹井知何處
三十六峰煙月寒

何年白日騎鸞鶴踏碎天都峰上雲欲起軒轅問九鼎
道衣重侍玉虛君

二詩見傳羅文恭筆壁欽南宮謫吏兼雲谷樵夫九
字程顯爵黃山詩選作楚張書紳未知孰是

王一瀛

次羅文恭軒轅宮壁韻

爲愛溫泉風景好崎嶇身歷萬重山須知足下無塵灑
松竹禪堂臥月寒

軒皇此地遺丹鼎古洞朝朝鎖白雲夜扣天門問真訣
夢中常遇紫霞君

王寅

送沈君典太史遊黃山

君從謝朓郡春仲遊黃山自昔軒轅帝水火鍊還丹丹
鼎幾千歲尚鎖煙雲間峰環三十六險絕難躋攀圖經

載大部鍾靈黃山始斗野鎮會稽昔乃荒服耳嗟哉故
史遺封禪胡爲祀嵩岱弱冠登幽奇亦堪比君家三百
里裏糧遊已遲和風吹初服正及桃花時花開十萬樹
峰以絳霞披先余約同調溪谷賴追隨別業避南原借
居樵人屋種茶盈十畝碧葉香漸熟追隨余忍辭君遊
最宜獨長嘯撫松櫨忘機狎麋鹿遊罷謾東返三徑候
潭園泉烹僊人掌酣訝代酒尊老狂對醒眼相爲燕市
言君去東方朔浮沈金馬門

汪 確

九日遊黃山偕程自邑王仲房方定之鄭思祁諸君

高堤一以眺茲山何其雄勢將九疑連浸惟百谷宗自古饒僊靈遐怪世難窮我曹值時況此秀淑鍾季秋理雲裝鶴駕凌八公

八公豈易凌求道飛六丁平明登天都中坐視流光風爛瑤草玉樹何葱青空中來列僊簫管有先聲長跪問大藥九籥啓丹經攜手入無窮倘能度頽齡

遊祥符寺

叩梵披蘿磴探幽陟碧岑靈泉初浴罷紺殿下春陰帝
子遊何處丹鑪雲正淡未須談浩劫懷古一長吟

王尚德

遊黃山

步出北城門遙望城北岫千山出杳冥萬壑聳孤秀春
言神僊窟夙昔懷未邁攬衣陟層巔解纓濯懸溜翩翩
鸞鳳鳴采采松菊茂所歡復在茲幽居擬同搆

鄭銑

黃山詩

束髮懷五嶽婚嫁尚遐期間圖採名跡慕遠近多遺茲
山何峻極蒼蒼挺靈姿天都中迴出不與衆峰齊軒皇
肇奇蹤羣僊萃於斯我來尋丹丘延佇授丹莢長謠昇
天行何以慰相思

相思不可見悵望還登陟九州一瞬前畢舉猶未卽攀
蘿躡浮雲凌空羨飛翼天天紫芝榮曄曄瑤花葩雙雙
白玉童燦燦黃金室我行今見之羣僊汝應值

羣僊胡爲者浮丘容成公知我峰上遊先期駕飛龍天
台對面起石梁遙可通朗詠廬山謠緬懷康樂蹤若人

不可作伊予將誰從千秋結遐想浩歌凌長虹

鄭玄撫

社集天都峰下

巍乎黃山之高今不知其幾千里三十六峰根盤鉤連
如相倚中有天都突出入窈冥僊人往來鍊藥駐於此
九月九日天氣涼秋風蕭蕭菊花黃高朋遙集泛霞觴
放歌長嘯白雲鄉仰攀絕壁凌穹蒼鸞車鶴馭相翱翔
俯窺九州不可見蒼烟碧野森錯何茫茫夜來卽借天
都宿軒皇謂我等乃此山精靈之所育當初同曳烟霞

稽今日還期共卜築容成子浮丘公一去青天鼎竈空
桑田海水幾更易人生百年如朝夕不能早聯六翩追
雲鴻後來短嘆長嗟亦何益丈夫有生貴不苟常笑彭
鏗爲速朽黃金不惜買圖書要使聲名在身後羨爾悠
悠三百篇屈宋曹王相後先蔓延李唐二千載隋珠卞
玉如星連我生之辰何落落傷哉王風久不作當時爭
說李何賢而今亦已成遠廓此道久衰難竟陳邀朋乃
作天都行一時冠蓋臨山嶽由來勝地產豪英予愧當
年薄劣者相從共結芝蘭社上窺六府探幽互下超八

代追風雅狂來一倒白玉龍飄然兩翼凌風生漫書數
字大如斗高挂霞州十二城

九日赴天都社

憶昔軒皇駕六龍丹成飛去海雲空黃花滿地愁無極
碧樹凌霄望不窮天子神僊經史外蘭亭連社詠歌中
石函儻遇容成訣一試金沙百鍊功

余震啓

天都詩

飛鳥臨丹壑牽蘿度碧雲州霞有處足吳越望中分劫

結芝蘭復遊將鸞鶴羣登高俱有賦長此挹清芬

汪瑗

天都詩

青壁高千仞黃山第一峰芙蓉落天鏡丹腹耀雲松石
室雷僊僊金沙駐玉容倘從軒后去白日駕飛龍

方大治

宿天都峰下

危峰何崔嵬去天僅盈尺雲霓翻在下象緯可捫摘三
春無鳥飛一還稀人迹翕施洞口霞墜瞻水中石揮手

凌空蒼脩然生羽翮歲過跡易湮人存事靡數披榛物
候新於焉鍊金液

月夜同子荆醉臥鍊丹峰下放歌

鍊丹峰高長春草風吹石上浮如掃半輪皓魄落杯中
照見鬚眉吾已老寧蘿拔祗峰之巔共挹清流枕石邊
千年喬樹扶疎影百丈懸河瀑布泉春風飄飄振芳甸
終朝不見流鶯轉山深氣冷花始開故園花落今如霰
良遊笑我常蹉跎冒險探奇君已徂相逢行樂共流連
醉眼浮光真掣電君不見容成子鍊丹生昔輔軒皇大

藥成鼎湖那免龍髯折空遺世上神僊名神僊安得至
今存不如對飲罄清尊千仞岡頭頻岸幘萬物芻狗何
須論我欲攜家結茅隱如此自山以外皆爲無用之乾
坤

天都詩

石磴懸青壁星壇倚太空振衣千仞上飛鳥五雲中地
產三珠樹天垂百尺虹遊人惟仰止我欲溯鴻濛

過碣石嶺

此由曹溪道

躡屨千盤上樵歌半嶺聞林深籠宿靄磴曲裊飛雲碧

樹侵衣密黃山隔隴分此中多野鹿羨爾自成羣

百丈潭

東風歛夕霏山色靄晴暉天上銀河落潭邊白練飛
溪林啼鳥絕危磴採樵稀已冒垂堂戒岡頭一振衣

浴湯泉

溪干纔祓禊點水復來遊令節逢三月名區隘十洲
層巖開絕壁曲澗繞清流溫火湯長沸陽光醖欲浮
跳珠澄徹底濺沫聚成漚是石皆如玉爲根不產硫
氣同璫海熱地較福泉優解帶寒風入開襟暮靄收
濯纓傳楚

水洗足憶靈湫何若毛俱伐於焉僊可求
畱連甘露境高詠未能休

黃山玉蘭

溪谷名花何處移森森玉樹媚清漪
國香漫擬猗蘭操秀色還同冰雪姿
山氣凝寒開獨後靈根穿石意偏奇
與君採折充瓊珮獨笑傷人應未知

藥鉞院

黃帝大丹成白日騎龍走石臼恍如新
僊踪今在否

馬蹟石間步

僊駕難追誰是餐霞客如何峰上人空遺馬行蹟

湯口與子荆別

十日隨君豁遠眸共攀絕壁與丹丘春風踏遍神仙路
翻笑桃源只暫遊

歸來歷歷見重關山自縈環水自灣若道羣峰遊未盡
何因滿袖白雲還

羅汝芳

遊天都

天都峰外裊雲和欲扣天都路更多釣樂臨風如我卽

瑤臺對月可誰過
清泉百道飛長瀑
紅樹千章矗卷阿
獨懼來遊無補助
設敲白石荅樵歌

天都漫興二絕

帝子昇遐久
丹丘尚此畱
赤蚪如未老
願借我天遊

仙瓢浮玉液
僊子坐來收
尚記瑤池謠
銀河轉月流

光緒

重登天都峰

兩拜天都峰
頂峰風雲萬派湧
蚪龍乘屐便欲歸
天上

竟取蓬萊舊住宮

天都臥石上雲陰

葉葉清陰覆萬阿不知何處落婆婆暫停龍杖天都上
雲影光中臥大羅

自近天庵回視天都夕照

雲斂長空夕照開黃金萬疊擁層臺山靈可是還畱客
我欲長歌歸去來

公此詩真跡在太平望僊鄉譚公于家字法古勁絕
世惜無好事者勒石山中

周怡

陪羅郡侯遊黃山

初冬風日喜清和
召伯巡行德意多
露湛更添豐草潤
雲竒端護道輶過
氤氲紫氣騰幽谷
縹緲青山遶曲阿
何意瘦筇隨鶴馭
也來天際聽棠歌

崔涯

陪羅郡侯遊黃山

五馬行春化日和
黃山開景白雲多
曉臨絕巖下峰合
時見空林一鳥過
小簪羨公安石屐
近天多我考槃阿
峰頭十咏雲璈協
九曲無勞數棹歌

程師杜

黃山紀事

倚杖白龍潭雲蒸日亭午風來水氣腥恐是龍行雨
鳥道斷還續羊腸險更迷剪刀峰下路裁嶺與雲齊

丁公庵

陟險丁公庵探幽水簾洞長嘯和松濤萬壑天風動

吳 鉞

翠微寺

雲源隔塵世古寺到應稀悟入雲深處鐘聲出翠微

蓮花峰

一徑青蓮吐絳霞
亭亭玉立淨無瑕
遙看天際浮雲捲
露出峰頭十丈花

馮世雍

遊黃山

帝子燒丹處
青猿夜夜啼
風雲蟠異境
泉石護幽棲
寺古千峰伏
鐘沈萬壑迷
官然念去住
雷雨海橋西

遊黃山次篁墩太史韻

天都峰上是玄關
彩鳳蒼蚪白晝閒
帝子洞虛曾鍊藥
僊家雲暝未還山
千年嵐氣飛秋碧
百道泉聲瀉暮潺

定有靈修樓夜壑紫崖丹嶂未容攀

青芝朱箭不知名五鶴丹霞擁赤城
僊子洞中無歲月
毒龍潭上有陰晴直臨絕頂雲初霽
已度危梯路未平
幸接上卿饒濟勝
名山佳處日偕行

汪國楨

陪馮三石太守遊黃山

丹鼎千年在黃山兩郡分神僊原不死
麋鹿自成羣
紫石生瑤草朱旛映彩雲遙憐車馬地
塵土日紛紛

溪山無客到茅屋有雞啼怪石當人立
閒雲伴鶴棲蒼

苔攔處滑碧霽望中迷五馬登臨際長吟日又西

方充

黃山歌

我聞廬山高入天武夷名勝堪並肩黃山崢嶸擅江表
色凝佳氣春花妍聯峰杳嶂絕崑崙朱厓石壁俯清泉
玉煙吐翁鬢疊外金屏疊巖斗牛邊山因僊名固恒理
秘君昂昂甘徒倚自分丘壑謝塵囂手招黃鶴踰蹊起
君不見僊人王喬樂與羣四皓芳踪差可擬又不見下
輶董子坐春風獨立庭前尤訓鯉垂籤架滿書揮毫雲

滿紙心比谷中虛不屑逐侈靡黃山兮黃山兮春到欣
欣木向榮信是公門多桃李

方效

黃山行爲楊先生賦

黃山黃山高且淡聳薄霄漢雲煙生東瞻太阿接海島
西望華嶽南望衡上有長松千萬樹盤空驟作風雨聲
下有深谷千萬丈虎狼潛跡猿鶴鳴高人于茅結幽屋
悠悠林麓樂天真緝蠻鳥語添笙管爛熳霞彩張圍屏
東風綠草軟且溫攜酒山陰對客傾採花泛酒輒謀醉

醒見清泉時濯纓鹿豕長年作高侶隆冬三友不寒盟
幾回得句忘朝暮山下常畱寸地耕黃山春今草木欣
黃山秋今風月清秋去春來時更變景移物長幾枯榮
惟有黃山無今古先生德業與齊名交君何以爲君贈
洗心高歌黃山行

汪道昆

望天都

一峰卓地插中天獨立亭亭出嶽蓮老鶴青冥翅戍削
孤雲翠壁絕攀緣高標牛斗懸河鼓俯視兒孫捧御筵

青山志卷之六
三
瞥見王喬披綠髮相邀帝所聽朱絃

望雲門

赤日營騰鳥道昏丹梯縹緲帝居尊正逢積翠開雙闕
好附飛黃謁九閭天遣巨靈從此劈地雷真氣至今存
銅龍有意求僊訣金馬無能答主恩

湯池

初服飄飄脫芰荷五都湯沐接天河靈源細引丹砂液
神瀝潛通赤水波玉女洗裝扶曉日羣僊脩髮逼陽阿
上池池上清如許一濯塵襟盡一絲

九龍潭

摩天積石遞靈湫客子尋源到上頭吳楚江分雙白髮
軒轅宮近九垂旒崑崙西北星連海瀑布高低漢倒流
忽漫盤空雲氣合羣龍應奉帝車遊

白龍潭

懸崖曲磴釣磯懸下見滄浪倒接天潭底龍宮三十仞
雲中帝駕五千年連山燕石乘風去徹夜鑿珠抱月眠
泓下孤吟如有意曾從魚服識重淵

詩國

秋日黃山遊覽

邨落秋風裏行吟逸思饒芙蓉欹水面苔蔓上墻腰酒
國黃花近天都碧漢遙浮丘如有待舉手願相招

黃山雜詠

天都迥出衆峰巔縹緲丹梯石瀆懸欲起浮丘問真訣

一聲猿嘯萬山煙

天都峰

藜杖穿嵐度澗松朱砂洞口白雲封三珠樹上一聲鶴

人在芙蓉第二峰

朱砂澗

刺帝丹爐不可尋白龍潭上水雲深澗邊吹笛喚明月

驚起龍吟風滿林

白龍潭

汪道貫

宿軒轅宮

黃山表南服川路何眇然薄言駕市車從公事行役遵
渚招涼颺整駕載朝日車徒何眈眈曜靈忽西匿我駕
軒轅宮偃仰長松側山氣日龍從雲光媚將夕天籟廣
樂鳴僊廚舉香食中夜素月流皎珠泣淡澤志士隘八
廛達人晤一室遠近寧足經互覽各有適

行次猗中

避暑投何處
褰帷指薜蘿
山疑別天地
路欲近星河
谷鳥驚飛蓋
居民問玉珂
冷風清枕簟
虛閣夜涼多

望天都

天都直上三千仞
俯瞰羣峰竦處尊
絕壁層雲迴氣色
盤空片石挂乾坤
側身河漢疑相通
揮手星辰似可扪
聞說山頭瑤草長
休糧吾欲躡雲根

白龍潭

清潭淡復淡
流水石齒齒
僊翁莫浩歌
恐驚白龍起

鳴茲石

山頭一片石流水鳴泚泚薰風忽相激吹入伯牙弦

汪道會

宿軒轅宮

黃山秘神秀緬懷晤道真肅駕從君侯百里披荆榛日
晏憩幽谷澹與泉石親言尋軒轅宮飛構接嶙峋瞻焉
息互關恬曠怡心神中夜激清響窅窅入青旻恍若之
帝所鈞天爲具陳何必遇松喬勝遊良足珍先民有造
言奄忽如飈塵向夕誦斯章中情庶已伸

望雲門

雲門遙在望百里表龍從排闥雙峰立當關一牯通金
莖明滅外絳節有無中清夜聞僊珮珊珊度碧空

返祥符寺遇雨

尋源猶未已促步返招提霧失山頭樹雲盤谷口谿千
章鳴急雨百尺倒垂霓宛在襄城路寧容七聖迷

望天都峰

天都萬丈擁青蓮矯首嶙峋霄漢邊勢壓雲霞虛帝禪
根蟠松桧閱堯年懸崖未許猿相挂仄徑惟看鳥一穿
借問浮丘珠樹鶴可能相送到層巔

丹井

丹井隔前溪溪深不可汲時有轆轤聲天女將餅入

莊明鎮

宿軒轅宮

軒皇契至道服湖畫乘龍千載渺難追俄此訪遺踪巖
壑候已曠白日翳蒼松浴罷丹砂泉過宿軒轅宮拂枕
臥烟霞振衣問鴻濛人生匪金石日不復東藉登黃
髮期百歲有終窮黃鵠凌紫氣威鳳遊蒼穹託迹旣以
運知緱安所從所以青雲士長嘯出樊籠

行次猗中

雲壑仙源自天門落月纖驚猿時抱樹馴雀日窺簷一
水全縈帶千峰半卷簾自矜梁父後舊識老龍潛

龍 膺

信宿黃山軒轅宮

黃帝悟道真鍊石飛九天赤城標特室峩峩山鬱盤上
池煥如春下瀨流且溫嘈呖何崑崙松檜紛葱芊玉女
凝青霞白龍潛碧淵躡履從諸子翩翩學遊僊攬衣蹕
雲門冷風挾翩躚泛觴漱醴石長嘯揮鳴弦陰谷拾瓊

流僊日歆飛泉天都不可陟一望飛紫煙奄忽日云暮
風雨來層巔睠焉憩琳宮極夜不成眠倏忽寤寐間迢
遞陵三山解后雙玉童投我陵陽丹雲裘恣容與永享
龜鶴年感茲遺物慮豈爲浮名牽

冷風閣

在鎮中

飛閣干雲映碧松月明檻外水溶溶空中何處鳴僊佩
如在蓮花第一峰

雲門

遙遙望雲門雲生在山下僊佩響空中出入青鸞駕

萬曆癸未郡司理龍公同余全椒令翔覽諸公遊黃
山汪司馬遊記載其評語云白嶽一魁父耳以近人
而奇蓋剗剗靡孌之爲適足悅衆庶黃山高矣廣矣
闕且遠矣卒然而至百無一奇如將窮四極覽八荒
非羽翼不可要以東高天而矯厚地吐雲雨而吞山
光猶之特室合宮人力無預警乎大矣雲門一閭闔
也啟閉則豐隆主之天都壁立而出九霄無贅附無
陂陀甚則飛鳥不能度猿猴不能躡視西嶽四方尤
爲卓絕龍潭深三十仞空明可察秋毫假以目力而
窮其源則一木皆析若也一石皆支機也猶之木處
草衣汗尊土鼓脫芬華無所用之千古參參足音罕
至至者三四君子而已乃白嶽之嶠軒相接軫胡爲
乎去此取彼哉折而西北爲丞相源九龍潭最勝源
則九澤遶高下則九階飛瀑則九麓英英出雲若引
九賓而陳九鼎奇之奇者也茲語可爲黃山定評卷
一附錄偶遺今補刻

余
期

遊黃山

羣峰縹緲削青蓮
杖履逍遙破紫煙
緱嶺鶴來還此地
鼎湖龍去不知年
彩霞晴映金光草
白鶴寒分玉乳泉
一嘯天風生萬壑
飄然直欲挾飛僊

沈明臣

黃山懷王仲房寅

碧山霜月負吹笙
流水空爲石上聲
白髮茫茫竟何事
逢人莫遣說長生

程嗣功

詠黃山

名山自昔曾招隱此日歸來愜素心
欲解瑤琴奏流水
白龍潭上坐松陰

程鳴岡

遊黃山晚歸祥符寺

山溪寂寂樹陰陰
帝子僊踪何處尋
薄暮空歸煙月下
數聲清磬出禪林

陳宣

遊黃山

黃嶽崔嵬萬仞峰青天倒插紫芙蓉飛泉挂壁晴疑雨
古樹含風夏亦冬鳥道際空稀馬跡石潭深處有苔封
自從帝子乘龍去千載何因一再逢

翠微寺

翠微古寺枕黃山院宇蕭蕭水竹間錫影已虛迷法界
梵音相引入禪關一天花雨寒燈寂萬壑松聲夜磬閒
愧我空悲年鬢改何因羣渡出塵寰

陳芹

送王仲房歸黃山

雲峰三十六黃山隔人間白雲尚來歸山人胡不還又
聞山中藥可以駐朱顏王子占一丘吹簫意常閒我家
秦淮上高閣俯潄溪倘憶同心者秋高來共攀

程夢龍

訪程天錫養真餐霞洞

我自率山來采藥黃山裏試浴朱砂泉偶值餐霞子借
問何許人與之連桑梓我亦慕僊流况復同姓氏住此
鍊還丹服之長不死

鄭鼎

遊黃山

天都倚霄漢鍊丹更聳立紫石復崔嵬疊嶂千仞壁顧
瞻此境好羣峰何峻極幽興頗超越徘徊山水夕羣物
各有態從容任所適憑虛臨萬象涉遠尋古跡猿鶴聲
自悲風濤氣互激捫蘿登絕險浮陽蕩空碧舉足慰艱
阻羨彼凌風翼高懷興未盡憩坐松間石

鄭孔庶

遊黃山

坤靈秘陰燧陽窟沸丹泉解襟浴氤氲神思殊超然晞

髮凌倒景盪留生雲煙巔崖有老翁羽服何翩跹招手
問姓名授予石函篇

巖洞信奇絕累日窮攀躋天都何歸然不與羣峰齊西
挹九華秀東俯天目低龍湫澄可鑑石髓青如泥回謝
塵中人吾將事幽棲

鮑汝剛

遊黃山

弱冠懷天都始入翠微裏攀盡山中峰麋鹿隨杖履軒
皇遺丹泉紫氣有時起雙耳久風塵掃石驪一洗不覺

心冷然何須餐玉髓

謝 榛

擬太白夜泊黃山聞殷十四吳吟

坐對劉元善偶成

黃山夜泊蘆花灘北斗垂天篷底看有客吳吟促我興
調高上徹浮雲端蛟龍側耳海波靜猿猴無聲山月寒
悠悠半空倏忽墮金石交音滿吾生曲罷始聞新都鐘
楓林煙岸閃漁火今夕佳會復何許乘秋早發橫江航
詳味四溟山人詩意似謂太白指姑孰浮丘山而言
內有新都鐘三字似又指新安之黃山也存之以俟
知者

唐世靖

薄暮到祥符寺

晚煙籠古剎曲徑遇歸僧
乍覽非塵世渾疑是武陵
過橋聞擊磬到寺見傳燈
試問飛僊處天都第一層

沈一貫

送客歸黃山

萬壑擁空岑孤峰下夕陰
馬歸松影淡人靜月華淡
黃帝去已遠白雲爾至今
鳴琴幽澗底獨夜老龍吟

程道南

遊黃山

百里尋黃嶽千重入翠微
山藏軒帝鼎霞襲道人衣
泉煮丹砂暖天空白鶴飛
采真子託隱卽與世塵違

李敏

酬王仲房招隱黃山

僊人王子晉雲裏度吹笙
玉洞春風發桃花萬樹明
懸泉灑石壁疊嶂擁霞城
遲我青鸞馭飛飛凌紫清

程嗣興

遊黃山訪天錫祥符寺

山人自是餐霞客
幾載逃名大士家
拾得斷樵然石鼎
收來遺箬煮春茶
陰連臥榻窓前竹
香瀉流泉洞裏花
何日與君相結伴
白龍潭畔鍊丹砂

汪大德

遊祥符寺

杖策天都麓
青山淡晚煙
春留金鼎火
藥洗石池泉
客過何須主
僧閒卽是禪
磬聲清夜發
恍惚夢鈞天

葉元烈

遊黃山

丹砂泉上立木葉落紛紛半日不見路滿山都是雲
巖尋勝跡摩石認遺文卻愛林間叟牽蘿補衲裙

易仁

遊黃山

久抱名山癖煙霞夢裏尋忽逢三峯翠始知白雲心
丹竈遺砂閱靈池伏火溪泉湧龍去遠愁坐翠微岑

詹漢

望天都峰

披蘿陟危巘始見天都峰嶽崢凌浩渺孤峙青芙蓉撫

景存未已觀靜心彌空達哉容成子千秋寄遐蹤我生
厭拘簡欲探蒼雲叢終期畢婚嫁結室青牛東

遊黃山

爲叩僊人白玉關心空應共石雲閒若能上書遂初志
便合誅茅老此山丹竈紫霞晴閃閃碧泉朱液暮潺潺
何當結屋天都下騎月摩天獨往還

約餐霞子復遊黃山

曾於峰上設夷猶塵夢常懸帝子丘一川已罄黃鶴怨
十年空負白雲秋溫泉夜靜聲初泮丹竈苔封藥尚留

願訂幽期窮勝覽與君擬結向平遊

山中月夜聽猿

我來兩度濯塵襟白石清泉寄興深
夜半起看山上月一聲猿嘯落高岑

程顯爵

宿祥符寺

峰頭微雨收涼月吐空谷蕭蕭雙樹林
疎影開菰屋寒蛩傷砌鳴獨鶴歸巢宿
與僧悟禪機悠然忘寵辱

九日遊黃山夜飲祥符寺

九日登高汗漫游，佩萸何處覓丹丘。
雨餘鳥道蒼苔滑，雲散龍宮紫氣浮。
人醉黃花千日酒，猿啼紅樹萬山秋。
月明風細聞笙鶴，疑在崑崙十二樓。

同汪見初遊黃山憩餐霞洞觀石牀丹竈

萬山溪處訪僊家，碧樹參差鳥道賒。
青壁經年流石髓，丹鱗何代闕靈砂。
細摩苔蘚尋遺篆，共坐松林數落花。
洞口瑤函真訣在，餐霞期馭五雲車。

山中月夜聽猿

天空山月白夜靜，斗闌干徙倚渾忘寐。
猿聲萬壑寒

黃山

崎嶇山徑還溪入宛轉谿流到處通落日僊源驚犬吠
數椽茅屋在雲中

窈窕春山路不迷桃花到處錦浮溪行來半日無人跡
惟有溪林一鳥啼

程顯法

僊人洞

古洞僊居到客稀縈迴蹊徑草菲菲山翁曳杖穿雲過
無主桃花亂撲衣

梅占魁

望天都峰

獨坐天都俯九州望中雲霧一時收
燒丹帝子今何在碧水丹山幾度秋

沈懋學

遊黃山憩祥符寺

袖拂孤雲度石屏月明飛錫下僊靈
谿涵練影浮煙白山插蓮花逼漢清
北望玉京開碣石東來真氣接稽亭
泠然恍欲乘風去未許人間識歲星

登石柱峰

獨眺天都秋氣分
瑤簫明月集僊群
天開石柱三千丈
坐俯溪山盡白雲

馮夢禎

初到湯院

清旦發襜中
下春到蕭寺
一氣直穿霄境逾
遙列井多奇產
嶺峰半雲深
一徑遙逢迎良朋
久延遲指途
瀑溫泉觸體
卻氛蒸砂洩
有時發珠雨
何代至緬懷軒
皇前欲抽玉
書秘未能攀
雲峰今夜臥
蒼翠

於蓮花庵望天都

山僧新結宇，掌可捫天都。
清旦從之遊，蓮花盡開敷。
爲予搗青精，列坐饌伊蒲。
縣流迸石罅，雲氣薄虛無。
遠矚散光采，不與衆峰俱。
耳目尙變幻，丹青詎能圖。

從石壁進路，過支機橋，尋支徑，訪朱砂庵，止登憩久之，書所歷。

禪居興未索，覓徑恣幽討。
沿流戛琴瑟，穿雲進窈窕。
源溪卽平曠，巖雜入霞表。
紉泉響彌清，亂石淨如掃。
興到足忘疲，嶺高溪更遠。
前瞻峰似削，參差巖岫巧。
吾雛忽

凌虛玩松陟縹緲憩危物如遺宅幽僧占少吾欲餌靈
砂巢居此終老

初霽登鍊丹峰

阻雨坐一室政如鳥在籠推窓睹霽色心已馳虛空衝
泥道崇嶺徒侶欣相從雙手攀天梯兩腋生天風軒皇
鍊金液此地畱玄蹤聳身到峰頂下界煙濛濛環坐松
石間翠色澄心胷霧消山遶呈青紫殫妍容安得乘日
車踏遍高低峰

登海門瞻眺

登峰尚餘勇回策進海門巨靈奮高掌離立存斧痕紛
披如攢戟縱橫欲飛騫其下潛蛟龍一怒雲崩奔吾徒
悉高興危石爭先捫指點雲外巘一線江光翻東南信
多奇此山宜見尊

三宿海子從東徑下山返湯寺書所歷

三夕宿海子興盡宜還歸及晨攀東嶺下望浮雲彌層
疊露遙巘通岫隱朝暉金翠乍掩映去住情猶縻入逕
兩山逼衝霧前途疑瞻峰易俯仰涉澗淩昂低歌聲亂
縣泉鳥韻雜花蹊出谷日初午捨車陽已微急瀑飛九

就匪練明山基觸聞并蘭額入盼盡靈奇底莫休紫玉
滌身欣湯池

到海子

海子闊何年攀躋直到天層層穿峭壁處處響流泉雨
氣晚來淨夕陽西望妍明朝登海頂咫尺挾飛僊

梅鼎祚

遊黃山

中天三十六芙蓉聞道軒皇此御龍溫水尚傳丹液結
真符猶遣白雲封眉端春徧千巖翠腋下風生萬壑松

莫問金莖雙露掌黃精石髓自堪供

黃汝亨

鍊丹臺

混茫削元氣海峰高崔嵬片石踞峰頂云是鍊丹臺俯
鑑月華白靜展雲容開鼎湖渺萬里軒轅安在哉玄風
蕩我胃大地無纖埃容成若相招媿我非僊才

自指月菴登石筍竚下松谷

茆屋滯三宿披霧登崇岡側身海雲間羣峰森成行蒼
子參玉版茲峰適相當小者出纖指銳者淬干將互換

非一規緇錯復屏張瞻盼若有失應接來無方茲豈理
所有神者剖其藏閱妙總無選啓秀競所長高臥松谷
間念之翁徬徨

白猿

皚如山上雪皓然山中翁山僧拍手笑大聲呼猿公猿
公笑不荅踞石看孤松玩世世亦玩狙智將無窮

宿蓮花洞

石磴挂千巖躋攀倦心目日暮徑亦窮殘靄幕溪谷有
洞如覆蓮蓮廬託一宿琉璃映餘清齋供分半菽乍倚

黃山志卷之六 寺觀
青
山
隈
忽
報
黃
梁
熟
老
僧
小
於
彌
經
聲
振
石
屋
寤
寐
魂
夢
清
來
去
風
雨
速
披
衣
起
攬
之
空
山
響
晴
瀑

鍊丹臺看雲

黃
山
峰
頭
累
日
宿
煙
霧
如
幃
障
茅
屋
跼
足
矚
眼
胡
爲
乎
率
負
蓮
峰
三
十
六
忽
然
諸
子
躡
芒
屨
仰
天
蹠
峰
發
狂
叫
何
物
丹
青
點
太
空
候
忽
雲
君
見
衆
妙
張
生
手
指
西
垂
雲
流
金
耀
赤
揚
紫
芬
攜
將
碧
落
千
里
翠
散
作
青
天
五
色
文
郭
生
笑
指
君
不
見
百
丈
從
橫
如
匹
練
晴
煙
寒
雪
起
紛
紛
春
水
秋
波
生
片
片
吳
生
稱
奇
舌
不
下
矚
燧
筆
端
難
盡
寫

紺殿移來錦繡屏天閑曳出驂驢馬清生掀髯道未奇
搏空執象徒爾爲藥成丹鼎人倦去雲思霞情無定姿
茆庵老僧無如何望空合掌稱彌陀蓮臺不作空花相
綿手擎來優鉢羅黃生聞之倍讚嘆恍惚插身入霄漢
諸君繪天天無工神理從來呈變幻幻盡雲空照不窮
古月孤峰君試看

石壁

翳然林木下曲折泛清瀾愛此水光好况從石壁看半
溪明玉瀉一片綠雲寒相對不能去前峰日未殘

三宿指月庵

靜緣行不斷三日宿巖阿霧氣衣裳重雲容枕席多寂
寥僧半偈歡喜鳥傳歌此地真堪老還當採藥過

自松谷還上石筍砭作

谷口遵巖上岩龕入翠微石危山子屐雲濕道人衣鳥
語清堪聽花名辨者稀丹臺遙以對煙氣轉霏霏

天都峰

凌風直上躡虛無海子峰高天竺初屏倚翠微搖紫玉
鼎函丹井落玄珠俯窺兩目吳天盡遙帶三山楚岫孤

以露殫霞從此老何須清淺問蓬壺

鳴絃泉

山空滴瀝下如注轉覺飄飄若風雨卻按宮商仔細聽
二十五絃俱不住

松谷看泉

越澗懸崖興轉豪空山落日五峰高青天何處來風雨
明月橫飛八月濤

謝肇澗

望天都峰

黃山志卷之六 名勝
三
天高不可極地軸東南傾黃山抗神秀勢若相拄撐憑
虛肆遙騶八表何冥冥浮雲選變態孤峰長自青矚淙
夏寒玉石髓飛紫英幽色契妙賞超忽乘大清緬懷軒
轅氏委蛻遺世榮盈盈天漢末靡靡雲霓旌丹鼎不可
見金簡詎能名悵然遺物累側身中屏營

九龍潭呈謝于楚潘景升

九道寒水瀉遙嶺蒼苔凝翠芙蓉冷白日時聽雷雨聲
丹崖倒挂蛟龍影帝子乘龍去不歸空餘紫氣朝暮飛
與君一畝塵心盡醉枕寒流看翠微

宿軒轅宮

暫借雲房宿僊蹤久已陳溪聲寒到寺峰影近窺人
窺
令丹砂火苔封玉簡塵鼎湖龍去後何地可尋真

醉石

危石拱天都臨溪臥綠蕪醒須微雨解欲藉古藤扶苔
壘時淺淺雲生乍有無夜來人散盡蘿月一峰孤

宿丞相源

烏道石峻峭孤峰栖老僧竹樓千嶂月松榻半龕燈山
鬼寒依草溪猿晚附藤霜風眠不穩只恐夜雲崩

由丞相源至石樓

看山不覺險已出白雲層
蘭喜當門植人疑拔宅昇
半空無度鳥太古有埋米
翹首天關近茲遊得未曾

黃山歸宿湯口程山人家

知君喜客至值我看山歸
衣上畱青靄燈前話翠微
秋雲排闥入霜葉近牀飛
相戀仍愁別屋塵此會稀

白龍潭

欄道層層濕翠微
綠苔紅葉滿秋衣
雲封古井丹何在
月照寒潭龍未歸
巖半水簾如雪落
風中石乳作花飛

我來拾得金光草欲向山靈買釣磯

登丞相源

半嶺竹杖薜蘿衣叢棘初開一徑微
一丘荒山僧竄盡
千盤翠棧客來稀
風腥龍向蒼潭起
雲暝僊從紫府歸
看遍蓮花三十六
玉笙吹徹晚霞飛

祥符寺

古寺空山鳥道邊
板橋流水寺門前
老僧鎖却竹房去
浴罷溫泉石上眠

雲門擊

寒流活活草蒙茸翠壁丹梯千萬重天外雲門相對出
居人指是剪刀峰

凌登名

秋人黃山

存序

具茨之山以黃帝問道廣成子得名金陵王氣實鍾
於此開採之役幾於不免賴皇上神聖孝思可憲臺
之請惓惓致戒以毋傷龍脉屬小臣會勘得攬其勝
云

爲訪鍾山脉乘秋特地來名都號天子王氣接中台豈

有金銀氣翻令草木哀高峰三十六爲我剗蒿萊
迢遞黃山路緣溪一徑通不因尋地脉那得御天風鐘
動翠微上樵歌青靄中浮丘儵忽還長揖問鴻濛
懸厓千萬仞隱見金芙蓉黃帝遊仙處白雲常自封西
來奔萬馬東去走羣龍彷彿三三願還應達九重

冬日集松谷庵

古寺蒼松雜澗聲峰頭怪石似青城因思造物奇無理
縱有神工制不成塵絕何殊遊碧落雲生真擬入蓬瀛
馬蹄無奈催人急徒倚山堂獨繫情

三潭次第列雲端遙映霜林楓樹丹常日爲霖滋大地
有時歸海作驚湍清分一酌詩脾潤靜息諸緣瘦骨寒
未必神僊不可接且於石上共盤桓

黃克謙

山口曉發

夜從山口宿晨起整遊視大壑捲層雲蒼茫迷遠矚羣
峭失天外重嶺埋雲際絕磴臨崩崖蹙蹙芒履敝撰策
邁獨往行行窮所詣盤紆及嶺巔忽見朝暾霽下視冥
濛境漸覺劃陰翳晴雷沸時泉羣馬雲飛曳石梁有人

家巖岫相虧蔽空青撲肌骨濕翠流巾袂山花滴露滋
瑤草幽溪細靈境幾欲迷源溪堪避世余亦有微尚逃
名在薜荔

朱砂庵

天開三十六芙蓉回合千山紫霧重野客攀藤探古洞
道人憑几看秋峰藥苗采去常分鶴松勢看來欲化龍
爲問丹丘今在否可容雙屐一相從

天都峰

高巖倦臺揖萬靈峰開玉屐列金庭宮連太乙聞天語

黃山志定本

卷六

七

間近朝元俯衆星雲影盪胸千里白山容低眼百重青
遙知絕頂孤危處日馭東來亦暫停

芳村

山雲作晴雨香暖百花天採芳人不見空聽水潺潺

醉石

爲厭世人醒糟丘聊自寄頽然藉石眠人與石同意

丞相源

簇簇青蓮擁化城古原高木石臺平不知丞相埋山骨
多少游人問姓名

鄭琰

寄黃山隱者

傳聞軒帝有僊蹤
古洞無扉對亂松
半讓石牀供蟋蟀
細裁雲葉補芙蓉
分將月夜三千里
買斷秋煙七十峰
尚憶我畱湯口寺
隔林疎雨聽殘鐘

湯賓尹

由湯寺至蓮花洞與景升會宿

鎮日逐孤筇
發興在奇險
遙巒與近峰
後先拱立儼瓊
情山天表飛翠撲人臉
日脚欲迎人
梳雲生絕艷
吾欲

往卽之決股廢拘檢有石骨如削有松髮如染有身如
遊魚水草恣暗發我神甫得壯羣眉忽以歛登高而臨
溪拳拳齊諫貶路窮剛置杙源開輒架广旣以供吾目
又言息吾跡造物殊多情君乎胡所歎赴社多名交頽
來風冉冉共領一竿月巖額懸星點毒氣忌蒸嵐夜淡
洞門鍵驚昏忽杖策跳擲成夢魘夜半老狄啼起眎光
睽睽

蓮花溝至海子

但說山遊肩宇掀朝來竹杖爭闌喧千峯萬嶂開華園

似拱如迎意誼敦寒衣策足以前奔隻身飛空等雲屯
跳天拔地顛乾坤有山無路懸肩跟木以梯戕竿以援
上下周遭馳且翻便於猱狖捷於猿鼻孔貼壁腹屬垣
突然跌蕩凌平嶽脊梁搖搖神昏昏左右見之足皆踣
面無人色舌腭反誼謠孫郎驚心魂就中胡子稍能容
彳亍顧盼聲爲吞老成矯天推額昂前牽後挽耄老髡
更稱昨來丞相源道塗塌塞沙灘渾惻惻力力不可論
較之今日驅廣原墮地以來無此煩摩胸穿脇陟天門
一罅三光指午瞰側身欲進叩帝閣九豹當關鷹兩隼

帝遣容成錫蠶旂飛紅走翠集雲盆錯陳玫瑰供盤殮
五山食豆四瀛綰絳裳綵絲朱冠禪鶯笙龍笛沸麓墳
花樓香衙頰霞繁平生耳目居井智到此形骸俱已謾
當年丹鼎火猶溫我欲於中試煉潘素書之外秘真言
我欲乘此啓滕緄冒險行遊志有存塵世跼踖如雞豚
抱妻畜子夫何恩文章功業未爲尊看予白晝批天根
尺鷃安能知大鯢

送福生道兄投業黃山

休夏詩名噪居山道業尊有時聊杖屐無地不義軒淬

劍泉方闢舍丹鼎尚溫與君參對訖三十六峰存

同友人遊黃山

冒雨穿山美未曾息肩無寺寺無僧寬圍白浪身千葉
峭入青天手一藤龍吼藥鑪春急杵猿調茶鼎煮孤燈
與君伸腳量峰積踏着雲光不記層

送焦素臣歸黃山

秘密軒轅竈無人火自溫看君採萬乳靈宅始開門

黃山雜詠

蘭蒲列席屑榆香黃帝開天古道場當代聖人尊聖母

紫泥新勅賜慈光

洞頭洞口列峯齊
環似花竿拜似圭
誰向洞中張板屋
何如連洞一九泥

費他竹杖兩三條
摩盡青天萬仞高
纔一攝身身界濶
齊州點點在秋毫

古沛然

度箬嶺望黃山

千迴鳥道縈青嶂
一喘鷗音落彩霞
山氣出雲渾作雨
泉聲拂樹半成花
到來丘壑關心賞
別去風塵上鬢華

十六峰看咫尺欲從軒后問丹砂

汪大成

遊黃山

阮公溪下水平分倒瀉銀河流
又貫月有槎過羽客還丹此地叩神君
崖懸古木常無日龍臥空潭半是雲
熟煮朱砂池上石歸來長嘯谷中聞

潘之恒

宿軒轅宮

幽期懷夙昔局促媿輟駒從公尋舊游逸足凌天衢

食登客臺夕憩望互都豐隆開列嶂屏翳射前驅豈不
眩絕塵終焉追步趨忽忽羣動息沈寥山谷虛舉手招
浮丘導我游帝居鸞鶴不爲駕驪龍闕夜珠我姑酌金
罍劇飲多歡娛今夕難再得不樂將何如

蓮花溝和韻

蓮花千仞攢天碧出入何氣雲圉圉玉蚪宛委蟠空跡
攀援瓊枝憑飛鳥拍天都肩蹶其脊飄飄僊子遭帝謫
乘彼立龍歸舊宅霞馭繽紛日車赤攬化人裾挾煙客
容成施幔陳瑤席浮丘招招奔且蹠揮叱山鬼與河伯

蒼豹斑麀虎文額瑟奏湘潭琴鼓嶧天馬含沙浣黃澤
雷聲殷殷電光晝爲言上真久迹籍萬神呵護百靈役
高凌穹昊穿堅壁餐紫芝英吸玉液握象罔共靡繇索
俗慮凡心勝緣隔明發愁征寐不憚斧冰以爲鼓石炙
當晝冥冥夜虛白摩霄極漢沾危刺直上無援橫徑窄
股慄賁仆驚營魄五丁運斤開一隙猿猴斷臂鵬礙翮
松鬣叢篁張若戟珠泉激濶光反射首路將輟半已夕
面皴手裂血靨刺造父操轡迷莫適投崖填壑何所惜
行旅卻立舌爲咋道逢回車反遭斥俯身搢地徒喀喀

同游孫胡羅與郝怯勇似揚興奕奕手挽枯藤鳧穴擲
磴傾棧絕憂難釋欲倩排華之矯蹕欲假逐日之長策
附君脩翰恣超忽屈指靈區累千百海上蓬瀛此爲特
傳語人間驚嘖嘖

倚醉石聽鳴絃泉歌

亂石龍從溪澗底青如含煙白如洗初來祇覺雲門開
洞達那知有戶啓層崖疊作七絃琴流水潺湲斷續音
何必知音纔爲奏道傍聽者皆清心我欲從君歸眠醉石
靜聽琴聲朝復夕安得清溪盡日無人處無往山中客

望雲門

馬首看蓮嶽雙峰迥出羣倚空時夾日列岫欲裁雲
鶴中天度煙霞劃地分晚來窺斗下直透七星文

望天都峰

絕壁嶙峋散紫煙晴峰高插蔚藍天穿雲瀑布河流瀉
迎日扶桑海色連縹緲丹梯懸萬丈微茫玉笈秘千年
何當駕鶴凌空上倚杖青冥數嶽蓮

龍潭

黃帝真源尚可尋千秋龍臥碧潭深風波瞥見鯨人出

黃山志定本 卷六

廬山

三

窟宅寧容河伯侵石迸雲霞變晴雨浪吹冰雪生寒陰
何年會向天門去試聽靈湫時一吟

白龍潭聽琴

使君山水自知音白雪曾調綠綺琴漫作當年梁父曲
溪潭疑是臥龍吟

宿丞相源舊館

茆茨溪處隱禪關九疊龍潭萬仞山二十四年峰頂月
清光偏照故人顏

張思仁

紀遊

世間何物關神魂出於名山異人二者之外非所論人能振千秋之氣山可破浮世之樊余性也鴛下長於渤海間夙有遠志從無戚顏但遇英雋便締結豈經絕巘忘躋攀所以辭家事遠涉踪跡酒兼詩出入儒與俠岱宗秦嶽頗夷猶天台鴈蕩曾涉獵去年旣浮淮今年復入歙南方智淺而文美北地重諾而輕死於淮得不滿數人於歙亦幾十輩耳中有一僧曰安公高卓真堪繼大雄以法度人神亦播余一遇之黃山中黃山奇幻五

嶽無常見日華佛光神燈與浮圖三十六峰無定色或
碧或縞或赭或黝而或朱余昔夢遊已七載今得款之
邠生子荆氏者爲先驅諸峰之狀望亦疑余今將以古
人比擬之天都至尊無與竝其宣尼在杏壇之上而七
卜二子亦步亦趨羣相隨蓮花秀媚何峯巒巒刺天
峭如削其子房中藏不測之神奇外示嫣然之綽約翠
微青鸞飄飄然翕如羽化而登僊其唐之李泌漢之張
騫至於鍊丹石人與鉢孟兀然物外陳跼蹐九年面壁
其然乎劉伶醉舞石柱欹張旭露頂紫石髡陳搏酣睡

雲外昏阮籍箕踞獅子蹲劉阮對語其雲門其餘狀亦
不能一或爲定遠所擲筆或爲湘靈所鼓瑟怒爲鴻門
甲士森森持斧顛奇爲左慈忽作樓閣魚鳥花卉呈幻
術又如百千蓮座化身見於方丈維摩室余初到此心
驚悸駭走不覺大咤叱雕巧刻畫非人境豈獨世間無
可匹回視往昔所遊山不啻王猛腰間虱此爲高柱彼
爲磧竝語安可同一日生而愛林泉每思臥碧煙便欲
結茅於此巔偶以未了四方願他年一瓢一衲須來畢
此住山之勝緣

黃習遠

宿蓮花庵

危峯列簷際松雨滴雲上悠然生夜涼澗泉適新漲曉
晴雲出門秋光引藤杖一衲負米歸日給遠人餉

自石筍缸至前後海登大悲頂及鍊丹臺小憩三
僧淨室復歸師于林得二十韻

神奇能引步歸路每忘遐石筍脩於竹峯蓮巧過花危
梯懸絕壁巨壑架枯槎嵐重旋飛雨雲開卽布霞披萊
衣厭范行潦磴欹斜都合居軒帝潭疑鍊女矧松檟

半裂藤綰徑全遮鳥度唯無燕龍潛不產蛇陰阿雷東
雪夏木煥春葩藥鍊膏餘草杉萌伐後芽奔流搖磊塊
疊嶂抱谿訝霧窟猿藏果陽坡蜎竊瓜海將山作浪樵
以樹爲家澗僻逢漁釣村遙絕免置巖栖成淨室星散
住蘭香宜欵中分嶺招提始聚沙四時皆衣纈五月始
生茶偃蓋堪跌坐凌虛轉法華過厓容一錫入峽阻三
車試問禪宗集何如昔永嘉

宿師于林

歷盡溪山幾萬重始登絕巘散遊蹤趾安仄坎頻投屨

手接危梯卽棄筇
巧石石巔仍累石
奇峯峯外更藏峯
過春花發懸崖樹
無土根蟠峭壁松
五綵散光潭磊磊
久晴不涸澗淙淙
日沈翻觀空江綺
風霽微聞下界鐘
半夜晦明林月影
剎那變幻海雲容
煙橫險道回飛鳥
卉叶幽香引聚蜂
千嶂乍如螺髻湧
溪林時與杖藜逢
客來挾纈當初夏
僧坐圍爐若仲冬
七聖迷時樵未遇
九還鍊處霧能封
誅茆勝地剛容膝
看瀑奇情自滿胸
孰謂吳儂無道骨
軒輊亘古是吾宗

中時行

伯傳游黃山歸述示奇勝賦答

松逕幽仍險雲峯秀復奇
盪胸開汗漫側足度欹崎
鳥道人踪絕繩林佛力持
茲山超五嶺未必向禽知

吳伯與

望芙蓉峯

峭壁連雲上層巖半霧封
排成青玉案削出紫芙蓉
谷鳥知樵徑秋濤亂遠峯更憐岑寂處孤磬落溪松

上芙蓉嶺

逼似華山頂池開千葉蓮
人疑登萬仞我欲問青天
冷

翠霑衣雨空香鍊藥煙僊臺應不遠凝望一欣然

吳伯敷

奉送九兄講業黃山

講道心如渴名山絳帳初巖花嬌近席澗雪冷侵裾地
是軒轅舊人疑鄒魯餘兄行多弩力余自愧居諸

程明仲

宿蓮花洞

一宿蓮花洞飛泉映壁清寒風山鬼寂返照海雲晴舊
夢青峰色奇聞落木聲高僧偏愛客瀟茗說遊情

汪淮

祥符寺

路入黃山萬壑低，半空鐘磬古招提。
龍歸定水非緣素，猿聽殘經自失啼。
門外流泉香澗滿，塔前雙樹法雲齊。
老僧趺坐成疎嬾，送客何嘗出虎溪。

程雲際

遊黃山

天都高下接雲門，片片芙蓉聳處尊。
江左居然生泰華，人間疑不共乾坤。
風傳巖雨時喧寂，月度林巒自吐吞。

解識軒皇燒鍊處寒泉伏火至今溫

方秀

遊黃山

九天削出青蓮峰上有軒轅丹竈封石柱常歸千歲鶴
雲門溪鎖六朝松星河影落寒潭水山月光涵曉寺鐘
欲共斗牛巖畔宿僊踪應許世人逢

吳文潛

朱砂庵道人

有叟竄黃嶽不知何代人衣食任草木坐臥無冬春疑

是廣成子鍊藥以還真中峰亂石矗十步九迴曲朝采
松上花夕向崖間宿露肘雲滿身倦展雙眼絲再拜問
丹經一卷授黃庭冥冥自久視不死亦不生語罷復長
睡何能知姓名

宿祥符寺

香臺高倚碧雲層縹緲天都不可登松雨寒侵多病客
溪花瘦到絕糧僧孤峰晚照銜清淺古殿秋風見廢興
去日丹砂今寂寞白頭愁坐石幢燈

白龍潭

黃帝乘龍歸紫氛
寒潭龍氣尚氤氲
丹砂古井人空到
蘿薜行宮路不分
絕壁埋湊三峽雪
飛泉流斷一溪雲
我來拾得驪珠在
照見蒼蒼玉簡文

望天都

石削孤峰入杳冥
洞中無復見丹經
半空龍虎埋雲黑
太古藤蘿宿雨青
瀑布迢迢吹帶影
芙蓉點點散榆星
秋風夢裏朝元去
咫尺天門夜不扃

用藝蘅

靈泉院與許可衡諸子醉章甫杖頭酒夜分三浴

溫泉

不是僊人那得來
春風芒屨又登臺
花如迎客沿溪出
鳥亦提壺隔竹催
丹鼎千年留石火
湯泉三度洗塵埃
山靈舊識游巖侶
片片飛霞入酒杯

王士龍

遊祥符寺

欹側雲中路千峯
鑠翠微鶴鳴煙樹
暗瀑落雨花飛鍊
藥萼丹竈披圖啓
石屏袈裟逢出定
問法竟忘歸

謝室

入黃山

入山千萬曲曲曲皆清溪絕澗挂青壁晴光涵翠微賞
心理逾惑寓目境多奇前蘿旣攀牽後磴復升躋谷午
山雞鳴嶺寒猿狖啼鑿空有新術滅跡忘故蹊道險崩
杳接渺傾時復危暮色紛紛來林昏煙火熹仰視最高
峯靄靄尙餘暉始知日月光東西相蔽虧恍恍思馳越
超超神獨怡昨來塵市心已失入山時寄言嘉遯客無
悶歎在茲

九龍潭呈謝在杭潘景升

澗石磊磊澗水流蜿蜒垂作九龍湫鏡開百尺清無底
鐵立四壁深且幽有客芒屨歷丹嶺俯見空潭明月影
迴身直上萬仞山莫貪明月遭龍醒

醉石歌

我聞崑崙墟是草皆紅色有實甘若飴一飲能醉十萬
日爾時想君飲過差醉中化爲空山石爲石空山幾萬
春傾頽局縮如人蹲髮成薜荔猶蒙首衣化莓苔尚覆
身我來拜之復長喟衆人皆醒爾獨醉知君埋照不肯
言惟余解爾醉中意醒者營營不得閒何如長醉臥空

山雲霞變幻自明滅車馬驅馳在往還吁嗟世事役
寧若此削除煩惱無生死但令有情之無情貴賤彭殤
俱妄耳

丞相源寄吳元翰

石牀苔蘚厚如茵石戶藤蘿絕世塵採得紫芝堪茹客
甯將紅樹表迷津寒霜遊子多鄉夢明月空山想故人
莫是道心應屬懶只憐孤寂倍傷神

釋大壑

曉發潛口望黃山

入山恐不早明發巖之阿結束巖瓢笠躋攀信爲蘿
煙披竊莽泥露踐寒莎山氣忽以憊逶迤歷平坡天都
插霄漢蓮峰湧層波雲日相照耀蒼翠鬱嵯峨奮欲往
從之恨不先鳥過縱目已極騷陟彼將如何

慈光寺贈普門師

憶昔黃山至谷口只與天通絕人迹冥濛豈獨闕僊蹤
曠邈亦不逢林叟一自頭陀象法興勝多香刹定多僧
風來處處朝聞磬月出山山夜見燈我生當面豈無佛
靈嶽何須羨開嵎浴罷溫泉踏雪歸鷲峰鹿野俱彷彿

手披瓦礫翦蒿萊賜額俄傳出聖裁寶笈珠幡交慧日
梵音僊樂起香臺昔聞曾面製裝壁坐破蒲團人不識
何事而今拂塵談天花引得空狼籍爾應夙有濟勝具
三十六峰曾遍住稱此登臨及雲晴莫教雲黑天都路

天都行

異矣哉天都四面千里鈎連森起伏不知何物巨靈幻
出石筍蜂蓮之奇鼎湖瀛渤之勝爭霞限日矗立亭亭
三十六上有天僊樓逸之玉洞金庭下有日月吞吐之
虞淵陽谷勢拔青冥插紫微呼吸想能通六欲白鹿蒼

想不得度緣鸞黃鶴愁飛逐瓊葩琪樹今不知其幾春
秋丹液青精今堪駐神以果腹瞻彼五嶽應齊肩爾其
避名而輟櫝不則空劫成往來竹書山記寧不錄或以
險澀絕舟車幸闕靈秀於幽獨我奮丁巳形神嚴棘賈
勇登雲門步步出塵隩伊昔誰曾造劫火蒸砂煉石泉
尚煥吾生百病一深瘳豈獨清溫宜濯沐星虹麤馭縱
踟躕視聽不暇驚耳目竦身飛步躡虛無顧盼九州鴻
濛不辨水與陸有時日出煙嵐消萬里微茫見西竺夜
掬銀河清且淺忽聞雷雨起山麓嗤予髫髻年觀世悟

鑿觸遐想漢靈威冥搜人林屋何似茲山奇復奇恨不早謝塵勞來卜築君不見容成子浮丘公珠幢羽蓋扈從龍小臣攀顙墮遺弓至今綵雲猶未散隱隱僊樂來虛空

黃山采芝曲

采芝去天欲曙積雲莫愁淡悲虛屈可御隔林五色秀堪餐瞥見雲生不知處

蓮花洞

如欲得靜觀樹石巖窻綠雲凍石牀寒山

游初到一丘雲乍掀草淡餘藥種石澗見丹元靈液縈
爲帶神砂甃作根松杉通海路煙火隔橋村僊鼎終難
問荒臺喜共捫境沈山實淺祕剖地逾尊欲盡天都與
先須此叩關

同景升遊猗中汪司馬舊館

石磴嶺上竭來往兩瞰園林水上開試問幾人遊世外
曾經司馬臥雲堆公垂大業兼詞賦我炙高名在草萊
舊隱於今誰是主新知更覺首堪回筇輿競發凌山口
藤杖重扶入水隈鳥徑線通衝宿霧象隄弦引護秋苔

粼粼澗石多浮梗翼翼溪潄尚老梅山色蒼涼闢別墅
秋容澹漠出荒岷林泉似到樊川上樓閣疑分杜曲來
魚老寒塘存緇尾夢殘春草剝枯荻石牀蘚活重陽雨
野鼠踪淡古壁灰墨蹟猶鮮沈筆塚文心長燄讀書臺
山陽故好惟餘向摩詰追從僅有裴陵谷不遷公不朽
西風猿鶴爲誰哀

釋海運

倦橋

雲裏長鯨天外吼巾身鱗甲盡藤蘿橫梁撲翠叢篁繞

飛錫凌空繡嶺多星迴鴈迴愁絕塞月明人望隔秋河
也知凡骨難騰化鎖斷蒼茫萬頃波

汪南山

石牀峰

常約高僧訪上方峰頭片片白雲藏
僊翁何處歸來晚
風落松花滿石牀

丁惟曜

同南羽姪潘爾尚祥符寺坐雨遲馮師不至

春山不雨晝長陰
况復連朝苦滯淫
絕澗鳴泉和梵響

危峰分翠滴空林
崕邊忽起千秋色
臥處猶懸五嶽心
咫尺故人期尚爾
天涯芳草耐招尋

吳日宣

黃山

石罅穿松半是根
虬枝猶帶拂雲痕
設憐逝水分涼燠
復有鳴禽報曉昏
雷篆幾行僊閣榜
煙梯百仞玉京門
拈來金管將題字
白眼看天天不言

吳士權

遊黃山次韻

長鈇歸來化短筇，閒穿蒼翠日千重。
水簾雨挂僊人宅，雲幔晴褰天子峰。
雙履倦應棲乳燕，三珠饑可捋癡龍。
畫圖若擬山中勝，紫蓋青城處處逢。

風吹鐸語下空寥，好覓山頭舊桂瓢。
問法有泉通冷暖，紀年無樹別榮凋。
煙消帝館三壺影，瀑落蛟門八月潮。
祇此去天應尺五，桂漿我欲挹招搖。

振衣新浴出香溝，挺壑排雲翠欲流。
積雪九年僧面壁，紫霜五月客披裘。
煙霞已入膏肓疾，婚嫁何須汗漫遊。
爲問安期曾到否，莫耽壺嶠失丹丘。

袁中道

黃山

名以軒皇著基從邃古開遊僊天子至招隱帝王來朱
鳥翕鳴樹立猿尚嘯臺夜淡光怪起海底盡丹材
鵲雀頭邊過蓮花片上眠西瞻淪浦雪東望廣陵煙追
琢嗟丹壁鋒鏑駭笥田貌山多溢語此地愧難詮

吳可封

遊黃山

千百奇峰晴色開天都翠積獨崔嵬僊橋幻結迷蒼嶺

銀榜陰生傾碧苔洞古猿騎啼月露壑深龍蟄隱水雷
夜香廣樂浮空響疑是軒皇靈馭迴

倚空削玉人跡稀谷轉巒環天四圍石筍青分雲壁斷
峯連絳滿雪泉飛花藏月峇廩能過松滿丹臺鶴未歸
芝草千年成鼎秘亂山怪石擁斜暉

徐時逢

海子

一片空明萬里光疑雲疑水總茫茫大悲頂上憑虛聽
聽得潮音散下方

陳繼儒

送扈芷遊黃山

送汝黃面師去作黃山客凡雲如敗絮真雲常五色松
矮不盈丈放幹鋪百尺石隙多坎空遊者難進展我亦
將往遊枴杖麤有力寄語雪衣猿爲予先布席

送友遊黃山

十步一雲五步一松松埋雲上雲暮松中誰引子今山
有猿誰乘子今潭有龍

題祥符印公血書華嚴經

大悟天都後歸來學懶殘
醍醐灌頂上舍利雨毫端
無法向人說將心與汝
安血經八十一字字勝金丹

送顧山子遊黃山

緊絆芒屨未肯休月明踏破碧山秋
自從傳得搜龍訣到處能教石點頭

葛一龍

送伯傳遊黃山

此別有奇攀君行我閉關帆前芳草遠
衣上落花閑雲懶應堪托春忙莫共還
問岐雖白叟恐未識黃山

顧 諶

鍊丹臺

指月庵何處危峰住一家時時生海浪月月有山花

沈 顯

黃海寒遊

月之辜葦南發沙雨欹渚雲潑人參影怯寒涉馮封姨
雙舫脫招女媧補天缺旦復雨松陵墟驚寒颺飛吾
盧霞作花膠蘼蔭眉梁出鸞水餘曩坎壈溪石西桑屏
淡苕有漁婉相勞情堪書曲氣露短絃救人坦坦味

不俗明日行臨浦屬當入林梅已栗 溪復溪爰有邨
值制君笑候門出廣長覆慧根一宿去雨無痕 刺沙
棠沿水鳳割前溪陽半席宿沙影分月白覺鳥翻悅魚
撥霧邪雲夢魂濕 登崇期市如織踞兜子隨南翼青
嶙嶒染衣被乾木奇間鐵壁倚禿管闕仝勒璇煙生金
烏匿 雞喔喔馬蹴蹴銓有靡磨有菽月絰戶霜衣殼
續殘夢驚落木寒霏凝山意肅鳥嬉林光始旭 五里
墟一飛水石疑雲松作雨更曠之境昭洗酣泰熹仰元
始雲中君或邁止 嵐如醉樹如寐月銷痕霜乃緩祖

我襟行其際稍通焦厖也吠矚天目揭地肺峰展立借
雲勢蘿蹊回冷亡味乍丁不移幽聆盍寫之無聳句

南宮紱北苑神翠南折光搖春香歷交繡阪陳徒芊術
抹寒榛陡躡登雲根伸鳥衝車廡嘯人轉陟咀梁其濱
翠微署雲水津白板去青旂迎臨叩肆旗亭僮鉞覩聚
壻鬻并尋嵐姿譜我征 寒冥冥氣楚楚陰厓開奮於
虎循厥趺按鬼斧冰截髭霜沁臍呼山君戛雲母碧
東青遶左參琳宮憩紫府壑日歆稠霞吐澹相值樵之
父影倭倭笑言舞 憑烏使邀鹿園夢初覺髭徐

英雄雨打風一番事掉虛空車生耳月離弓十可翁夢
今醒三毒牀五欲枕真覺邊蓮花令一捫壁三陟嶺五
簪竹間創子覩翠拔地森可數排爲屏甃成堵拈爲華
紺百朵中呀然礪莫肩紋競出幻且古乞靈公縮吾土
五日行澄無雲澗以外寒不問破蕭陽衍石坪蘚光
波擊水精微噴雪禽鳥驚蘆花飛栗葉簷紫鈍碧掬空
青扶玖鏡嚙石稜凡幾家寒相凭添以曠蒼然冥幻入
繪安可名誰貽予問太清今日霧公無度安知奇此
回互宛塗鴉儼刷素俄迷離釀沈暮得鳥聲失驢步天

解頤還爾故，繚蜻翔嶼。虓赴暮平阜，綠野渡倪升。沈牽
回顧雲，倒生天門路。光斲斲氣，霽霽襲霞起。貫月淡
含水，嘶蒙石陰爲綏綏。爲鼎鑿莫之儼，終當尋山脈。
寫迸寒玉，爭濺噴層洞。泐翁狂龍非我伏，放策去投淡
麓鳥爲家，雲可族。功德水阿耨池，非彼國云誰思值。
湯泉心恹焉，覓蓮房。溯藕根一指際，分涼溫發靈幻儲。
精元易肌髓，澆心魂。本無垢滌者煩，度虛影參慈光。
頻伽笑杜嚶，香巖金繩降。雁堂僧面月，佛頭霜寒踏野
心。且狂狴可鞭輕八荒，攝白龍潭已空參此際了無。

蹤潘逼下巧搏風天失解鬼無工設藥銑盛鴻濛山莞
笑光成虹冉冉去來掌中 徒百折盤行穴倩石人輔

我厭嗅雲霧

草名

翠攬額何年松劈古錢鑪中開秀逾泄

劃然枵激若謫鳥遜道猿爭巢雲之西照於宵憩蓮

洞訝石標殷其雷在山椒間以雪紛蕭蕭乍寒煥遞昏

朝奉帝座爲解嘲

啓山脣捫石脊辨晦明僅咫尺

須累瞬莫息投倒景蹠危壁曳鼠梯隙蟻埴俯九子羅

吾膝招五老笑啞啞

居蓮花出世緣怪兩趾膠其顛

衝雪簞著風鞭腐石筍拖雲煎餽黃老匪素餐試締予

平生歡 僧巢居粘怪壁諷雜花掃白石作麼生豎此
拂咨軒皇溺黃白欲喚醒成今昔光明界無人識吾入
林獅子出登始信須驀直淨土門總此級

釋智𪔐

初入黃山自蓮花庵望諸峰之勝

日出蓮花庵踏月兼踏雲折竹以爲杖呼鳥以爲羣身
疑生羽翼奇險若不聞黃峯三十六一一凌紫氛藥房
與丹臺昔屬軒轅君何年昇爲僊此物空氤氲安知渺
茫間秘匣無遺文

憩師子林

素負濟勝具往往怯望洋蒲伏至峯頂遊覽未及詳忽然變爲海天地同混茫歸來言所得人各有短長大都山中景奇絕非一方

登石筍砦

朝上石筍砦變削健吾杖峯峯若飛來擊破海子浪或有犯人形撒手懸崖上上下下皆虛空不知幾萬丈化理不厭奇濡毫詎能狀

贈蓮花洞老僧

八月已踏冰九月已臥雪境風不厭寒智火不厭烈此
是老僧法常與白猿說皮相此老僧眇小兼又拙衆人
皆關勝老僧惟關劣老僧吾不知賢於關勝者白猿踞
大都性視老僧野見人無怖色閱世良不寡除是馴伏
時常喫老僧打

送葉熙時還新安省親尊公讀書於黃山指月庵
今年秋季與孟冬予也踏遍黃山峰歸來相對數竿竹
倦錫倚壁雪滿屋送君手提天台藤打破子陵灘下冰
欲議君家讀書處只問丹臺指月僧

甲寅秋與同六赴吳伯微黃山之約及期伯微有
事不得與賦此

狂心歇未徹遠赴看山期交臂與君失兼程有弟隨峰
奇誰道險境勝不知疲始信忘懷去當危自坦夷

同同六登蓮花峰

兩腋如生翼蓮峰不見危一身長似揖雙膝每過頤王
力層層翠花敷瓣瓣姿若非親至頂未必信如斯

前題

五丁畏難未開鑿峰頂至今無路通三神若蜺逸海外

二目如栗墮井中煙雲卷縮似潮落猿鳥墜匿疑劫空
惟有丹臺一明月當時曾照軒轅宮

詠黃山黃蓮

黃山有黃蓮甘美類蘋果不是性味移頭陀能忘苦

如意松

怪哉如意松終年若臥龍其意寧化石不欲受秦封

黃山雜詩

風雲昏黑失虛空雷雨潭中起白龍曾有神僧持短錫

電光影裏戲龍宮

白龍潭

休心何必更參玄丹井空餘洗藥泉但得八千爲一季

一年三萬二千年

丹井

神蹊鬼徑入雲微倒挂蒼藤鎖殿扉惟有湯泉常說法

月光兼契毘摩機

祥符寺

青鸞峰下有湯泉憶自軒皇沐浴年往往異香凝不散

泉中安敢謂無僊

湯泉

凌虛插漢萬芙蓉爭似天都一片峰惟有眞君居頂上

飛昇不待鼎湖龍

天都峰

雲邊縹緲是僊家欲覓神丹歲月賒盡說容成曾到此

黃山志卷六
至今擎頂出朱砂

朱砂擎

長林盡去水溶溶萬仞青標一片擎回首但看雲外影

天風吹出玉芙蓉

蓮花擎

題吳懋昭畫

松聲難寫石難圖奇怪從來世上無記得黃山看石筍
霜晨和月下天都

薛正平

黃山道中

雙屐踏殘雪寒流入亂松短筇拋石上或恐化飛龍

汪康運

黃山五章章四句

差我黃山泉舌煙鬢赤城萬仞僊宅神闕 天臺有闕
丹臺無級鶴叟猿夫載寢載食 石齒維京松壽則億
生雖後天死不先地 玉飛葉兮終乃曳兮濤如雪兮
屬市謫兮 匪波則洪匪澤則空山靜山動日雲日風
程世魁

遊白龍潭登蓮花庵訪印我師

磴曲緣雲壑潭深近梵宮蓮花盡天際藜杖御風中已

識紅塵隔翻疑碧落通雲降三十六指點賴支公

余紹社

遊黃山四首

人傳黃海畫難成到者方知弗浪名是處路從雲腳起
有時身入石心行嵌空置屋太生險劈地抽峰甚不情
連夜精廬天半宿夢中自覺羽毛輕

半爲探奇半訪僊芒屨緊縛踏峰巔松生絕壁不知土
人住溪巖只見煙解渴秋林嘗霽雪破寒古澗浴湯泉
鼎湖天子朝元去藥日丹爐尚儼然

著意登臨慰所思，乾坤此外更無奇。
峰中得號其尤者，地未經人尚有之。
翠壑丹崖千丈畫，白雲紅葉一溪詩。
山泉半是硃砂液，飲此飛僊或可期。

萬簇千攢不可方，神僧散聖此閒藏。
山中人習聞天樂，石上松曾見古皇。
淺瀑挂空增宿雨，微鐘出澗挾新霜。
圖經細述諸靈異，第一閭浮大道場。

丘禾嘉

黃山雜詩

溶溶一溪水，界斷紅塵色。
山靈尚拒人，步步示險仄。

溪渡

寂寂若無人披帷僧始見各具好威儀端坐理經卷

寺得

剪刀峰

世法久拌歸泡影文章恰亦鏤冰脂如何刀剪同鋒快
尚有人間不斷絲

王公弼

黃山

九天秋色辨蓮居鳥道通人半壁虛行到雲端猶未盡
直窮空際始無餘誰標靈異都相似多有幽奇不載書

倚杖白雲千萬里狂歌喝日使停車

釋文石

鍊丹臺

山骨蒼寒嶽路高扶筇直上不知勞千峰翠積煙籠樹
萬壑雲生玉湧濤東指扶桑驕日觀西來江漢見秋毫
側身咫尺天關近莫辨空濛戴斗釐

歷盡巖巒鳥欲棲半空殘照擁招提秋清雙隼穿雲下
霜冷孤猿對月啼壑底青松間古雪巖邊丹竈化紅泥
浮丘只爲人難到便與方壺品目齊

程玉衡

三天門

陟嶽凌霄出垂蘿過客捫梯危絕飛鳥磴及下啼猿穿
石已無路登天復有門巨靈何巧絕闢此異乾坤

鍊丹臺

絕磴臨無地憑虛上紫煙臺高傳故跡丹轉是何年
峰出雲根直松盤鳥道懸欲驂鸞鶴去自信骨俱僊

祥符寺步壁間韻

亭亭落日映珠林無數長松帶碧岑大壑風生疑虎過

空潭波湧聽龍吟荒涼梵殿誰興廢剝蝕苔碑自古今
仰望煙霞山氣紫猶疑丹鼎烟堪尋

黃山雜詩

羨君知息機爲愛此山好於茲竟忘年茫茫自終老

人

策杖遊茲峰怕上最高處知爾是飛來恐爾復飛去

飛來

峰

桃花舊有峰年年光輝發孟冬不開花山間瘦明

月

桃花
峰

過靜虛桃花源

靜公習靜開新葉流玉鄰烈風不歸客來不見避秦人

惟有桃花徧山谷

釋性航

蓮花洞

攀躋十餘里徑折下平沙洞冷松根瘦峯低石逕斜泉
鳴山說法雲散雨飛花中有一僧住峩眉是舊家

光明藏贈智空靜主

二十年來不出山花開花謝守松關巖前多少庵居者
乞食王城總未還

雙嶺

行盡清溪入翠微一叢煙樹敞蘿扉
山僧昔日居南嶽四十年來不肯歸

羅逸

同鮑元則余掄仲無隱登黃山

補天餘煨紛雜糅色黯氣紫質癯瘦
豎者因爲千仞峯欹則爲巖疊爲岫
爲誰又廢巧雕鏤縱有聰明莫悉究
每招禽慶一探討眼正歡忻脚詛咒
形神應接宜不閒攀枯踐朽忘顛覆
一死僅能償一遊死於牀第何其陋
或言五嶽謾稱尊若令相見當臣伏
又云人生難得到

蓬萊未必奇與斯奇關因而艾艾向人誇人多大笑憎
我謬赧面煩心倩筆摹筆自跳浪心馳驟幾欲揮成又
失之潛搜暗索不復覩天啓其聰如柳州此山一字亦
難構

吳光胄

宿藥師殿候海門日上是日從一線天下蓮花溝
投大悲院晤柏子禪友

茲山凡七登指月庵三宿爲探海門奇棲茅待朝昱夜
半吼松濤啓扉煙滿目翻浪如海潮奔騰似飛逐亂踏

霧露中不辨峯與麓草滑畏不測路險逢石禿危崖忽
斷絕置足跨橫樑轉折數盤旋壁立兩峯矗仰視天一
線石巷成委曲峽口風颼颼猶聞山鬼哭削陡一萬級
股慄踵雙跼雲嵐倏卷舒巖壑儼新沐大悲頂上院金
身燦然煜合掌禮慈容山僧炊飯熟

由大悲頂至蓮花峯絕頂憶昔冒雪同王平之遊
一峰踳踞衆山巔散出煙嵐徧大千踏盡天梯高已極
還衝雲際去無前嘗探險仄觀奇膽背廢攀躋怯暮年
憶昔同遊曾冒雪王喬飛舄久成僊

龔 鯉

游黃山

夙有看山興兼淡訪道緣車徒喜無擾賓友意同然代
步籃輿小忘勞竹杖便行行谿寺近冉冉暮雲連野老
延茶話斜陽促着鞭泉溫堪浣俗地僻足逃禪夜宿清
塵夢晨興路澗煙崎嶇苦石滑傾側洞門穿竹樹陰多
翳桃源徑自偏朱砂傳古剎銅佛構新椽梵閣談經久
崇巖覓路虔輕生攀絕磴鼓勇歷殊巔人語空中落飛
流壁上懸勢危艱俯視神因欲高眠憩息分奇石踟躕

襯彩瓊山巒誠創闢雲氣總高寒大士形如立僊人掌
欲前蓮峯千辨秀鉢嶺一盂圓斗絕天都聳崔嵬石柱
拳萬千勞仰止耽賞絕拘牽陟險忘遲疾尋幽任後先
芒屨應踏破葛袂自翩跹爲開文殊院還過一線天魂
搖難駐足武展必凭肩崖窄孤橫木梁虛下瞰淵龍松
相接引獅石坐盤旋躅躑清神健登臨俗思捐白雲常
臥牖紅日靜窺枰萬象羅庭際千山伏檻邊到來應有
約坐久不知年游勝寧無記才疎賦短篇山間餘片石
今古偶同鐫

黃山志定本卷六

畢